

陶淵明集

上



陶靖節集

宋刻





此宋板洌明集係汲古閣故物其藏書目謂
與時本實然不同如桃花源記中欣然規往
時率誤作親往五柳先生贊注云一率有之妻
二字按列女傳是其妻之字也他如此類不可枚
舉即如八目注比時本多八十餘字而通率一
作云比時本多千餘字真奇書也又云籤款
係元人筆不敢易云蓋所貴乎宋板者為其
可以正時俗之謬誤而好古者得開卷之益也

因摘汲古書目中語錄諸簡端後之藏是集
者庶幾知其所以可寶歟

道光二十六年花朝前十日

汪駿男跋



陶淵明集卷第一

詩九首

四言

停雲一首

并序

停雲思親友也
罇湛新醪
園列初榮
願言

不

一作

從歎息

想

一作

彌襟

靄靄停雲
濛濛時雨
八表同昏
平路伊阻

靜寄東軒
春醪獨撫
良朋悠邈
搔首延佇

停雲靄靄
時雨濛濛
八表同昏
平陸成江

有酒有酒
閑飲東牕
願言懷人
一作舟車

靡從東園之樹
枝條一作葉
載榮競用
新好

一作朋新以招一作怡余情人亦有言日月于

征安得促席說彼平生翩翩飛一作鳥息

我庭柯歛翮閑止一作正好聲相和豈無他

人念子寔多願言不獲抱恨如何

時運一首并序

時運游暮春也春服既成景物斯和偶景

影一作獨遊欣慨然一作交心

邁邁一作又作萬時運穆穆良朝襲我春服薄

言東郊山滌餘靄一作宇曖微霄一作餘有

風自南翼彼一作我新苗泮泮平澤一作乃

漱乃濯一作濯濯邈邈遐景載欣載矚稱心而

言人亦易足一作言稱心易足揮茲一觴陶一作

遙然自樂延目中詠悠悠一作悠想清沂童冠

齊業閑詠以歸我愛其靜寤寐交揮但悵

一作恨殊世邈不可追斯晨斯夕言息其廬

花一作華藥分列林竹翳如清琴橫床一作膝

濁酒半壺黃唐莫逮慨獨在余

榮木一首并序

榮木念將老也日月推遷已復有一作夏

總髮一作角聞道白首無成

采采榮木結根于茲晨耀輝一作其華夕已
喪之人生若寄顛顛有時靜言孔念中心
悵悵一作悵而采采榮木于茲託根繁華朝起
慨暮不存貞脆一作慎由人禍福無門匪道曷依
匪善奚敦嗟余一作予小子稟茲固陋徂年
既派一作遂往一作業不增舊志彼不一作弗舍安此
日富我之懷矣恒焉內疚先師遺訓余豈
之一作云墜四十無聞斯不足一作可畏脂我名車
策我名驥一作鑣千里雖遙孰敢不至一作名車一作行車

贈長沙公族祖一首并序

長沙公於余為族一作為族余一作無於長沙公祖同
出大司馬昭穆既遠以一作公為略人經過
潯陽臨別贈此

同源分流人易世踈慨然一作矣寤歎念茲

厥初禮服遂悠歲月眇徂一作徂感彼行

路眷然躊躇一作踟於穆令族允構斯新一作新

堂諧氣冬輝一作宋鮮映懷圭璋爰采春花一作

華一作春載警一作嚴秋霜一作載散秋霜我

曰欽哉寔宗之光伊余去遘在長一作忘同一作忘

行笑言一作言笑未久逝焉西東遙想湘渚一作

三遙遙滔滔九江山川阻遠行李時通何以

寫心貽茲一作怡此話言進蕢雖微一作少終在

一作壽為山勗哉離人臨路悽然歎襟或遠

音問其先

酬丁柴桑一首

有客有客爰來爰一作官止秉直司聰于惠

百里飡勝如歸矜矜一作善音若始匪惟

一作作諧也一作也屢有良由一作將載言載眺

一作作載馳載馳一作以寫我憂放歡一遇既醉還

休寔欣心期方從我游

荅龐參軍一首 并序

龐為衛軍參軍從江陵使上都過潯陽見

贈

衡門之下有琴有書載彈載詠爰得我娛

豈無他好樂是幽居朝為灌園夕偃蓬廬

人之所寶尚或未珍不有同愛一作好去一作

云胡以親我求良友實覲懷人歡心孔洽

棟宇唯鄰伊余懷人欣德孜孜我有旨酒

與汝樂之乃陳好言乃著新詩一日不見

如何不思嘉遊未數誓將離分送爾于一作

於路銜觴無欣依依舊楚邈邈西雲之子
之遠良話曷聞昔我云一作別倉庚載鳴
今也遇之霰雪飄零大藩有命作使上京
豈忘一作宴安王事靡寧慘慘寒日肅肅
其風翩彼方舟容與江中一作容與冲冲
勗哉征人在始思終歆茲良辰一作晨以保
爾躬

勸農一首

悠悠上古厥初生民一作人傲然自足抱朴
含真智巧既萌資待靡一作無因誰其一作能

瞻之實賴哲人哲人伊何時惟后稷瞻之
伊何實曰播植舜既躬耕禹亦稼穡遠若
周典八政始食熙熙令德一作音猗猗原陸
卉木繁榮和風清穆紛紛士女趨時競逐
桑婦宵興一作征農夫野宿氣節易過和澤
難久冀缺携簠沮溺結耦一作植沮溺一作耦相
彼賢達猶一作尤勤壟畝矧伊衆庶曳裾拱
手民生在勤勤則不匱宴一作燕安自逸歲
暮奚冀檐石不一作事儲飢一作餓寒交至顧
余一作又儔列能不懷愧孔耽道德樊須是

鄙董樂琴書田園一作弗履若能超

然投迹高軌敢不斂衽一作難欬贊一作德美

命子一首

悠悠我祖爰自陶唐邈為虞賓世歷一作重光

御龍勤夏承韋翼商穆穆司徒厥族以昌

紛紜一作戰國漠漠衰周鳳隱于林幽人

在丘逸虬遶雲奔鯨駭流天集有漢眷余

愍侯於赫愍侯運當攀龍撫劒風一作邁

顯茲武功書一作誓河山一作啓土開封

亶亶丞相允迪前蹤渾渾長源鬱鬱洪柯

羣川載導眾條載羅時有語默運因隆窅

一作在我中晉業融長沙栢栢長沙伊勲

伊德天子疇我專征南國功遂辭歸臨寵

不忒孰謂斯心一作遠而近可得肅矣我祖

慎終如始直方二一作三臺惠和千里於穆

一作仁考淡焉虛止寄迹風雲冥冥一作茲

愠喜嗟余寡陋瞻望弗及顧慙華鬢負影

隻立一作賤三千之罪無復其急一作無

一作我誠念哉呱聞爾泣卜一作嘉日占

亦一作良時名汝曰儼字汝求思溫恭朝

夕念茲在茲尚想孔伋庶其企而厲夜生
子遽而求火凡百有心奚特于一作我既
見其生實欲其可人亦有言斯情無假日
居月諸漸免于孩福不虛至禍亦易來夙
興夜寐願爾斯才爾之不才亦已焉哉

歸鳥一首

翼翼歸鳥晨去于林遠之八表一作延態雲
和風弗一作不洽翻翻求心顧儔相鳴景底
清陰翼翼歸鳥載翔載飛雖不懷遊見林
情依飄零遇雲頡頏相鳴鳥景而歸遐路

誠悠性愛無遺翼翼歸鳥馴相一作林徘徊

豈思天路欣反及一作舊棲雖無昔侶衆聲

每諧日夕氣清悠然其懷翼翼歸鳥戢羽


寒一作條遊不曠林宿則一作森標晨風清興

好音時交矰繳奚功施一作卷已安勞

一作旦暮逍遙



正德己丑仲冬廿日



陶淵明集卷第二

詩三十首

形影神

并序

貴賤賢愚莫不營營以惜生斯甚惑焉故
極陳形影之苦言神辨自然以釋之好事
君子共取其心焉

形贈影一首

天地長不沒山川無改

一作如故

時草木得常

理霜露榮


一作憔悴

之謂人最靈智獨復不

知

一作如

茲適見在世中奄去靡歸期奚覺



無一人親識

戚一作

豈相思

追思一作相

但餘平

生物舉目情悽淒而我無騰化

雲一作

術必爾

不復疑願君取憶

一作

吾言得酒莫苟辭

影荅形一首

存生不可言衛生每苦拙誠願游崑華邈

然茲道絕與子相遇來未嘗異悲悅慙蔭

陰一作

若暫乖止日終不別

擬別一作不

此同既

難常黯黯

一作

爾俱時滅身沒名亦盡念之

此一作

五情熱立善

命一作

有遺愛胡可不自竭酒

云能消憂方此詎

又一作作

誠謹

不劣

神釋一首

大鈞無私力萬理物

一作

自森著人為三才

中豈不以我故與君雖異物生而相依附

結託善惡

既一作

同安得不相語

與一作

三皇大聖

一作

人今復在何處彭祖壽

一作

永年欲

留不得任老少同一死賢愚無復數日醉

或能忘將非促齡具立

一作

善常所欣誰

當為汝譽甚合傷吾生正宜

一作

委運去

縱浪大化中不喜亦不懼應盡便傾覆

一作

盡無復獨多處

一作

一作

一作

一作

一作

一作

一作

一作

一作

一作

一作

一作

九日閑居二首并序

余閑居愛重九之名秋菊盈園而持醪靡

由

一作時

空服九華寄懷於言

世短意恒多斯人樂久生日月依辰至舉

俗愛其名露淒暄風息氣淑

一作清

天象

明往

一作去

驚無遺影來鴈有餘聲酒能

常祛

一作消

百慮菊爲

宋本

制頽齡如何蓬

廬士空視時運傾塵爵恥虛罍寒華徒自

榮歛襟獨閑謠緬焉起深情棲遲固多娛

一作虞

淹留豈無成

歸園田居六首

少無適俗韻

一作願

性本愛丘山誤落塵網

中一去三十年羈鳥戀春

一作春

舊林池魚思

故淵開荒南野

一作畝

際守拙歸園田方宅

十餘畝草屋

一作舍

八九間榆柳蔭後園

簷桃李羅堂前曖曖遠人村依依墟里煙

狗吠深巷中鷄鳴桑樹巔戶庭無塵雜虛

室有餘閑父在樊籠裏復得返自然

復一作安

野外罕人事窮巷寡

一作解

輪鞅白日掩荆

扉虛室絕塵想時復墟曲中

一作里

披草

一作共來往相見無雜言但道桑麻長桑

麻日已長我土一作日已廣常恐霜霰至

零落同草莽一作

種豆南山下草盛豆苗稀晨興一作理荒

穢帶戴一作月荷鋤歸道狹草木長夕露沾

我衣衣沾一作我衣不足惜但使願無一作違

父去山澤游浪莽林野娛試携子姪輩披

榛步荒墟徘徊丘壠一作壘間依依昔人

居井竈有遺處一作桑竹麻作殘朽株一作

樹木殘根株借問採薪者此人皆焉如薪者向

我言死沒無復餘一世異朝市此語一作

真不虛人生似幻化終當歸空一作無

悵恨獨策還崎嶇歷榛曲山澗一作水清且

淺遇一作可以濯吾足漉一作撥又作擠我新

熟酒隻鷄招近局一作日入室中閭荆薪

代一作繼明燭歡來苦夕短已復至天旭

種苗在東臯苗生滿阡陌雖有荷鋤倦濁

酒聊自適日暮巾柴車路暗光已夕歸人

望煙火稚子候簷隙問君亦何為百年會

有役但願桑麻成蠶月得紡績素心正如

此開徑

一作卷

至三益

或云此篇江淹雜擬非淵明所作

問來使

此一首

爾從山中來早晚發天目我屋南窓下今
生幾叢菊薔薇葉已抽秋蘭氣當馥歸去
來山中山中酒應熟

遊斜川一首并序

辛丑

一作酉

正月五日天氣澄和

一作穆

風物

閑美與二三鄰曲同遊斜川臨長流望曾

一作層

城魴鯉躍鱗於將夕

一作鱗

一作魴鯉躍

水鷗乘和以翻飛彼南阜者名實舊矣不

復乃為嗟歎若夫層城傍無依接獨秀中

臯遙想靈山有愛嘉名欣對不足率爾

宋本

作共

爾

賦詩悲日月之遂往悼吾年之不

留各疏年紀鄉里以記其時日

開歲倏五十

一作日

吾生行歸休念之動中

懷及辰

一作晨

為茲遊氣和天惟

一作作

澄

班坐依遠流弱湍馳文魴閑谷矯鳴鷗迫

澤散游目緬然睇曾丘雖微九重秀頤瞻

無匹儔提壺接賓侶引滿更獻酬未知從

今去當復

一作得

如此不中腸縱遙情忘彼

千載憂且極今朝樂明日非所求

示周掾祖謝一首

一作示周續之祖企謝景夷三

郎時三人同在城北講禮校書夷又作仁

負病頽簷下終日無一欣一作終無藥石

有時閑念我意中人相去不尋常道路邈

何一作無因周生述孔業祖謝響然臻道

喪向千載今朝復斯聞馬隊非講肆校書

亦已勤老夫有所愛思與爾為鄰願言誨

諸子一作客一作勉諸生從我潁水濱

乞食一首

飢來驅我去一作不知竟何之行行至斯

里叩門拙言辭主人諧一作余意遺贈豈

虛來一作副虛期期談諧一作終日夕觴至

一作輒傾杯情欣新知勸一作言詠

一作興言遂賦詩感子漂母惠愧我非韓才一作

非韓才銜戢一作戴知何謝冥報以相貽

諸人共遊周家墓栢下一首

今日天氣佳清吹與鳴彈一作感彼栢下

人安得不為歡清歌散一作新聲綠時一作

酒開芳顏未知明日事余襟襟一作良已殫

怨詩楚調示龐主簿鄧治中一首

天道幽且遠鬼神茫昧然結髮念善事僊

俛六九一作五十年弱冠逢世阻始室喪其偏

炎火屢焚如一作和螟蟻恣中四風雨縱橫至收

斂不盈廛夏日長抱飢寒夜無被眠造夕

思鷄鳴及晨願烏一作又作景遷在已何怨天

離憂悽目前一作怨天愛悽目前吁嗟身後名

於我若浮煙慷慨一作慨然獨一作激悲歌鍾期

信為賢長抱飢一作抱長飢

荅龐參軍一首并序

三復來貺欲罷不能自爾鄰曲冬春再交

款然良對忽成舊游俗諺一作談云數面成

親舊或字無況有一本又情過此者乎人事好

乖便當語離楊公一作所歎豈惟常悲吾

抱疾多年不復為一作焉文本既不豐復本

復作茲老病繼之輒依周孔一作禮往復之義

且為別後相思之資

相知何必舊一作早傾蓋定前言有客賞我

趣每每顧林園談諧無俗調所說聖人篇

或有數糾一作酒開飲自歡然我實幽居

士無復東西錄物新人唯舊人一作唯弱毫

夕所宣情通作來本萬里外形跡滯江山一作

前江山君其斯一作愛體素來會在何年

五月旦作和戴主簿一首

虛舟縱逸棹回復遂無窮發歲始一作俛

仰星紀奄將中南牕明一作罕悴一作物北

林榮且豐神淵一作寫時雨晨色奏景風

既來孰不去人理固有終居常待其盡曲

肱豈傷冲遷化或夷險肆志無容隆即事

如以一作高何必外華嵩

連雨獨飲一首一作絕獨飲

運生會歸盡終古謂之然世間有松喬於

今定何間一作故差贈余酒乃言飲得仙試酌

百情遠重觴忽忘天天豈去此哉一作際一作天

幾任真無所先雲鶴一作有奇翼八表須

吏還自一作我抱茲獨倜四十年形骸

久已化一作形神一作已一作心一作復何

言

移居二首

昔欲居南村非為一作其宅間多素心人樂

與數晨夕懷此一作頌有年今日從茲役

弊廬何必廣取足蔽林亭曲時時來抗

一作話言談在昔奇文共一作欣賞疑義相

與析一作年一作

春秋多佳日登高賦新詩過門更相呼有

酒斟酌之農務各自歸閑暇輒相思相思

則披一作拂衣言笑無厭時此理將不勝無為忽

去茲衣食當須紀一作幾一作力耕不吾一作吾一作欺

和劉柴桑一首

山澤久見招胡事乃躊躇直為親舊故未

忍言索居良辰入奇懷挈一作策杖還西廬

荒塗無歸人時時見一作廢墟茅茨已就

治新疇復應畝谷風轉淒薄春一作嘉一作醪解

飢劬弱女雖非男慰情良一作殊一作勝無栖栖

世中事歲月共相踈耕織稱其用過此奚

所須去去百年外身名同翳如

酬劉柴桑一首

窮居寡人用時忘四運周櫬一作空一作門一作簷一作作

庭多落葉慨然知已秋新葵鬱北墉一作牖一作作

嘉穠養一作又作眷南疇今我不為樂知有來

歲不命室携童弱良日

一作登遠遊

和郭主簿二首

藹藹堂前

一作林中

夏貯

一作駐

一作復一作清

清

陰凱風因時來回飈開我襟

一作心

息交

一作作

友遊閑業卧起弄書琴

一作坐起

一作息交逝閑卧

一作誓坐起

園蔬有餘滋舊穀猶儲今營已

良有極過足非所欽春秫作美酒酒熟吾

自斟弱子戲我側

一作前

學語未成音此事

真復樂聊用忘華簪遥遥望白雲懷古一

何深

和澤

一作風

周

一作同

三春華華涼秋節

一作華

一作秋

一作清

一作涼

一作素

一作清

一作涼

一作露

一作凝

一作無

一作游

一作氛

一作天

一作高

一作風

一作肅

一作景

一作澈

一作作

一作列

一作陵

一作又

一作作

一作峻

一作岑

一作徠

一作遙

一作瞻

一作皆

一作奇

一作絕

一作芳

一作菊

開林耀青松冠巖列懷此貞秀姿卓為霜

下傑銜觴念幽人千載撫爾訣檢

不獲展厭厭竟良

一作終

一作月

於王撫軍座送客

一作座

一作上

冬日淒且厲百卉具已腓爰以履霜節登

高饒將歸寒氣冒山澤游雲倏

一作永

一作無

一作依

洲渚思綿

一作四

一作西

一作迎

一作風

一作水

一作手

一作垂

一作遠

一作瞻

一作夕

一作欲

一作作

欣良譙離言聿云悲晨鳥暮來還一作晨

歸懸車一作歛餘暉遊一作止判殊路旋一作

駕悵遲遲目送回舟遠往一作情隨萬化遺

與殷晉安別一首 并序

殷先作晉安南府長史掾因居潯陽後作

太尉參軍移家東下作此以贈遊好非久

一作長一遇盡定一作殷勤信宿酬清話益

復知為親去歲家南里薄作少時隣貧杖

肆游從淹留忘宵晨語默自殊勢亦知當

乖分未謂事已及興言在茲春飄飄西來

風悠悠東去一作歸東雲山川千里外言笑難

為因良才一作不隱世江湖多賤貧脫有

經過便念來存故人

贈羊長史一首

左軍羊長史銜使秦川作此與之羊名

愚生三季後慨然念黃虞得知千載外一作

上上一作政一作賴古人書賢聖留餘跡事事在

有一作中都豈忘將心目關河不可踰九域

甫已一作逝將理舟輿聞君當先

邁貧病不一作獲俱路若經商山為我少

躊躇多謝綺與用一作精爽今何如紫芝

誰復採深谷一作應無馬無貫患貧

賤有交娛清謠結心曲人乘運見踈擁一作

唯又懷累代下言盡意不舒

歲暮和張常侍一首

市朝懷舊人驟驥感悲泉明旦非今日歲

暮余何言素顏歛光潤白髮一已繁闊哉

秦穆談旅力豈未愆向夕長風起寒雲沒

西山厲厲一作列列氣遂嚴紛紛飛鳥還民生

鮮常在一作列伊愁苦纏屢闕清醑至無以樂

當年窮通靡攸

一作欣

慮顛顛由化遷撫已

有深懷履運增慨然

和胡西曹示顧賊曹一首

蕤賓五月中清朝起南颶不駛亦不遲飄

飄吹我衣重雲

一作寒

蔽白日開雨紛微微

流目視西園曄曄榮紫葵於今甚可愛奈

何當

一作後

復衰

一作行

一作當奈

感物願及時每

恨靡所揮悠悠待秋稼寥落將賒

一作暮

遲

逸想

一作相

不可淹猖狂獨長悲

悲從弟仲德一首

銜哀過舊宅悲淚應心零借問為誰悲懷
人在九冥禮服名群從恩愛若同生門前
執手時何意爾先傾在毀一作竟不
免為山不及成慈母沉哀疚二省纔數齡
雙泣一作委空館朝夕無哭聲流塵集虛
坐宿草旅一作前庭階除曠遊迹園林獨
餘情翳然乘化去終天不復形遲遲將回
步惻惻悲襟盈一作矜

陶淵明集卷第二

陶淵明集卷第三

詩三十九首

文選五臣注陶淵明辛丑歲七月赴
假還江陵夜行塗中詩題云淵明詩
晉所作者皆題年號入宋所作但題
甲子而已意者恥事二姓故以異之
思悅考淵明之詩有以題甲子者始
庚子距丙辰凡十七年間只九首耳
皆晉安帝時所作也中有乙巳歲三
月為建威參軍使都經錢溪作此年

秋乃爲彭澤令在官八十餘日即解
印綬賦歸去來方辭後一十六年庚
申晉禪宋恭帝元熙二年也蕭德施
淵明傳曰自宋高祖王業漸隆不復
肯仕於淵明之出處得其實矣寧容
晉末禪宋前二十年輒恥事二姓所
作詩但題以甲子而自取異哉矧詩
中又無有標晉年號者其所題甲子
蓋偶記一時之事耳後人類而次之
亦非淵明之意也世之好事者多尚

舊說今因詳校故書於第三卷首以
明五臣之失且祛來者之惑焉

始作鎮軍參軍經曲阿一首

弱齡寄事外委懷在琴書被褐欣自得屢

空常

一作恒

晏如時來苟冥

一作冥又作且

會婉孌

一作躑躅

憇通衢投策命晨裝暫與園田

一作田園

踈眇眇孤舟逝緜緜歸思紆我行豈不遙

登陟

一作降

作千里餘目倦川塗異

一作塗

脩心

念山澤居望雲慙高鳥臨水愧游魚真想

初在襟

一作襟懷

誰謂形蹟

一作迹

拘聊且憑

化遷終返班生廬

庚子歲五月中從都還阻風於規

林二首

行行循歸路計日望舊居一欣侍溫顏

一作

清再喜見友于鼓棹路崎曲指景限西

一作

四隅江山豈不險歸子念前途凱風負我

心戢拙一作守窮湖高莽眇無界夏木獨

森疎誰言客舟遠近瞻百里餘延目識

一作

城南嶺空歎將焉如

自古歎行役我今知之山川一何曠巽

坎難與期崩浪聒天響長風無息時久游
戀所生如何淹在茲靜念園林好人間良
可辭當年詎有幾縱心復何疑

辛丑歲七月赴假還江陵夜行塗

中一首

閑居三十載遂一作與塵事冥詩書敦宿好林

園無俗一作情如何捨此去遥遥至南荆

叩枹新秋月臨流別一作友生涼風起將

夕夜景湛虛明昭昭天宇闊晶晶川上平

懷役不遑寐中宵尚孤向一作南征商歌非吾

事依依在耦耕投冠旋舊墟一作不為好
爵縈養真衡茅下庶以善自名

癸卯歲始春懷古田舍二首

在昔聞南畝當年竟未踐屢空既有人春
興豈自免夙晨裝吾駕啓塗情已緬鳥哢
歡新節冷風送餘善一作鳥弄新節令風送餘寒善令一作冷寒竹一作草
被荒蹊地為罕一作幽人遠是以植杖翁悠
然不復返即理愧通識所保詎乃淺一作成淺
先師有遺訓一作成誥憂道不憂貧瞻望一作瞻
邈難逮轉欲患一作又作志長勤秉耒歡一作力時務解

顏勸農人平疇交遠風良苗亦懷新雖未
量歲功即事多所欣耕種一作耨有時息行者無
問津日入一作田人相與歸壺漿勞近隣長吟
掩柴門聊為隴畝民一作人

癸卯歲十二月中作與從弟敬遠一首

寢迹衡門下邈與世相絕顧眄莫誰知荆

扉晝常閑

一作荆門終日閑閑音必結反

淒淒

一作淒淒

歲暮風

翳翳經日

一作夕

雪傾耳

無希聲在目皓

一作皓

已結勁氣侵襟袖簞瓢謝屢設蕭索空

宇中了無一可悅歷覽千載書時時見遺
烈高操非所攀深宋本得固窮節平津苟
不由栖遲詎為拙寄意一言外茲契誰能
別苟不由一作苟不申

乙巳歲三月為建威參軍使都經
錢溪一首

我不踐斯境歲月好已積晨夕看山川事
事悉如昔微雨洗高林清飈矯雲翮眷彼
品物存義風在義一作都未隔伊余余一作亦何為
者勉勵從茲役一形似有制素襟不可易

園田日夢想一作夢想安得久離析一作終懷
在歸壑一作舟諒哉宜一作霜栢

還舊居一首

疇昔家居一作上京六十一作載去還歸今日
始復來惻愴多所悲阡陌不移舊邑屋或
時非履歷周故居隣老罕復遺步步尋往
迹有處特時一作依依流幻百年中寒暑日
相推一作常恐大化盡氣力不及衰撥一作
廢置且莫一作念一觴聊可一作揮
戊申歲六月中遇火一首

草廬寄窮巷甘以辭華軒正夏長風急一作
至林室頓燒燔一宅無遺宇舫舟蔭門前
迢迢新秋夕亭亭月將圓果菜一作藥始復
生驚鳥尚未還中宵竚遙念一盼周九天
總髮抱孤念一作諸孤念又作介奄出四門一作十年形迹
憑化往靈府長獨閑貞剛自有在一作質玉
石乃非堅仰想東戶時餘糧宿中田鼓腹
無所思一作且無慮朝起暮歸眠既已不遇茲
且遂灌我園

已酉歲九月九日一首

靡靡秋已夕淒淒風露交蔓草不復榮園
木一作林空自凋清氣一作光澄餘滓一作杳
然天界高哀一作衰蟬無歸響燕一作歸鴈
鳴雲霄萬化相尋繹一作異人生豈不勞從
古皆有沒念之中一作令心焦何以稱我情
濁酒且一作思自陶千載非所知聊以永今
朝

庚戌歲九月中於西田穫早稻一首

人生歸有道事一作作

衣食固其無一作無

端孰一作作

執是都不營而以求自安開春一作春事理常

業歲功聊可觀晨出肆微勤日入負禾一作

未還山中饒霜露風氣亦先寒田家豈不

苦弗穫一作獲辭此難四體誠乃一作已疲交無異

患干一作我患盥濯一作灌息簷下升酒散襟一作

又勛又作襟顏遥遥沮溺心千載乃相關但

願長如此躬耕非所歎

丙辰歲八月中於下潠田舍穫一

首

貧居依稼穡一作事勠力東林隈不言春作

苦常一作當恐負所懷司田眷有秋寄聲與

我諧飢者歡初飽束帶候一作候鳴鷄揚楫

越平湖汎隨清壑迴鬱鬱一作鬱鬱荒山裏猿

聲閑且哀悲風愛靜夜一作夜靜林鳥喜晨開曰余

作此來三四星火頽安年逝已老其事未

去乖遙謝荷蓀翁聊得從君栖

飲酒二十首并序

余閑居寡歡兼比一作秋夜已長偶有名酒

無夕不飲一作傾顧影獨盡忽焉復醉既醉

之後輒與一作題數句自娛紙墨遂多辭無

詮次聊命故人書之以為歡笑爾

衰榮無定在

一作所

彼此更共之邵生瓜田

中寧似東陵時寒暑有代換

一作謝

人道每

如茲達人解其會

趣一作

逝將不復疑忽與

一觴酒日夕歡相持

一作又作

相逼持

積善去有報夷叔在

飢一作

西山善惡苟不

應何事空立言九十行帶索飢寒況

一作抱

作

當年不賴固窮節百世當誰傳

空立言一作立空言

言

道喪

一作衰

向千載人人惜其情有酒不肯

飲但

一作惟

顧世間名所以貴我身豈不在

一生一生復能幾倏如流電鵲

一作若

沉星

忽

鼎鼎

一作訂

百年內持此欲何成

栖栖失群鳥日暮猶獨飛裴回無定止夜

夜聲轉悲厲響思清遠去來何依依

一作厲響

作

思清

又作

晨遠

去何

所依

因值

孤生

松歛

翻遙

一作

作

作

作

作

作

作

作

作

作

作

更

又作

終來

歸勁

一作動

作

作

作

作

作

作

作

作

作

作

作

作

作

作

作

不衰託身已得所千載不

莫一作

相違

結廬在人境而無車馬喧問君何能

為一作

作

爾心遠地自偏採菊東籬下悠然

一作時

見

一作望

南山

山氣

日夕

嘉飛

鳥相

與還

此還

望

南山

山氣

日夕

嘉飛

鳥相

與還

此還

望

南山

山氣

日夕

一作有真意欲辯已忽一作忘言

行止千萬端誰知非與是是非苟相形雷

同共譽毀三季多此事達士一作似不爾

咄咄俗中惡愚一作且當從黃綺

秋霜一作菊有佳色裛露掇其英沉此忘憂

物遠我遺達一作世情一觴雖聊一作獨進杯

盡壺自傾日入群動息歸鳥趣林鳴嘯傲

東軒下聊復得此生

青松在東園眾草沒其一作姿凝晨一作霜殄異

類卓然見高枝連一作叢林人不覺獨樹眾

乃奇一作知提壺挂一作撫寒柯遠望時復為

一作復吾生夢幻間何事絀塵羈一作羈

清晨聞叩門倒裳往自開問子為誰與田

父有好懷壺漿遠見候疑我與時乖縑縷

茅簷下未足為高栖一作舉世皆尚同願

君汨其泥深感父老言稟氣寡一作所諧

紆轡誠可學違已詎非迷且共歡此飲吾

駕不可回

在昔曾遠遊直至東海隅道路迫且長風

波阻一作起中塗此行誰使然似為飢所驅

傾身營一飽少許便有餘恐此非名計息
駕歸閑居

顏生稱為仁榮公言有道屢空不獲年長

飢至于一作老雖留身後名一生亦枯槁

死去何所知稱心固為好客一作各養千

金軀臨一作化消其實一作臨死裸葬何

必惡人當解其表一作意表

長公曾一仕壯節忽失時杜一作松門不復出終

身與世辭仲理歸大澤高風始在一作如茲

一往便當已何為復狐疑去去當奚道世

俗以相欺擺落悠悠談請從余所之

有客常同止取捨邈異境一士長獨醉一

夫終年醒醒醉還一作遮相笑發言各不領

規規一何愚兀傲差若一作嗟穎寄言酣中

客日沒獨何炳一作燭當炳又

故人賞我趣挈壺相與至班荆坐松下數

斟已復醉父老雜亂言觴酌失行次不覺

知有我安知物為貴悠悠一作咄迷所留一作

之酒中有深味一作固

貧居乏人工灌一作井木荒余宅班班有翔

鳥寂寂無行跡宇宙一何悠悠一作何人生

少至百歲月相催逼宋本作過鬢邊早已白

若不委窮達素抱懷一作深可惜

少年罕人事遊好在六經行行向不惑淹

留自遂一作無成竟抱窮苦一作窮節飢寒飽

所更弊廬交悲風荒草沒前庭披褐守長

夜晨鷄不肯鳴孟公不在茲終以一作翳

吾情

幽蘭生前庭含薰待清風清風脫然若一作

至見別蕭艾中行行失故路任道或能通

一作能窮道覺悟當念還鳥盡廢良弓

子雲性嗜酒家貧無由得時賴好事人載

醪祛所惑觴來爲之盡是語一作無不塞有時

不肯言豈不在伐國仁者用其心何嘗失

顯默

疇昔苦長飢投耒去學仕將養不得節凍

餒固故一作纏己是時向立年志意多所恥

遂盡介然分終死拂一作歸田里冉冉星氣

流亭亭復一紀世路廓悠悠揚朱所一作

以止一作作揚岐所以止雖無揮金事濁酒

聊可恃

羲農去我久舉世少復真汲汲一作波波魯中

叟彌縫使其淳鳳鳥雖不至禮樂暫得一作時

新洙泗輟微響漂流逮一作待狂秦詩書復

何罪一朝成灰塵區區諸老翁爲事誠殷

勤如何絕世下六籍無一親終日馳車走

不見所問一作憑津若復不快飲空負頭上

巾一作所但恨多謬誤君當恕醉人

止酒一首

居止次城邑逍遙自閑止坐止高蔭下步

一作行止華門裏好味止園葵大一作天歡止

稚子平生不止酒止酒情一作懼無喜暮止

不安寢晨止不能起日日欲止之營衛止

不理徒知止不樂未信止利已始覺止爲

善今朝真止矣從此一止去將止扶桑俟

清顏止宿容一作客奚止千萬祀

述酒一首儀狄造杜康潤色之宋本云此篇與題非本意

諸本如此誤黃庭堅曰述酒一篇蓋闕此篇似是讀異書所作其中多不可解

重离照南陸鳴鳥聲相聞秋草雖未黃融

風久已分素礫晶宋本作脩渚南嶽無餘

雲豫章抗高門重華固靈一作靈墳流淚抱

中歎傾耳聽司晨神州獻嘉粟西靈一作雲又

作零為我馴諸梁董師旅羊一作羊勝喪其身

山陽歸下國成名猶不勤卜生善斯牧安

樂不為君平生去舊京峽中納遺薰雙陵

一作陽甫云育三趾顯奇文王子愛清吹日

一作星中翔河汾朱公練九齒閑居離世紛

我我西嶺一作四顧內偃息常一作得所親天容一作客

自永固彭殤非等倫

責子一首舒嚴宣侯雍份端侯通

皆小名侯一作侯修一作俗

白髮被兩鬢肌膚不復實雖有五男兒揔

不好紙筆阿舒已二八一作十六懶惰一作放故

一作固無匹阿宣行志學而不愛文術雍端

年十三不識六與七通子垂九一作六齡但

覓宋本念梨與栗天運苟如此且進杯中物

有會而作一首并序

舊穀既沒新穀未登頗為老農而值年災

日月尚悠為患未已登歲之功既不可希

朝夕所資煙火裁通旬日已來始一作日念

飢乏歲云夕矣慨然永懷今我不述後生何聞哉

弱年逢家乏老至更長飢菽麥實所羨孰敢慕甘肥怒如亞九惡一作無飯當暑厭寒衣

歲月將欲暮如何辛苦一作足悲常善粥者

心深恨念一作蒙袂非嗟來何足吝徒沒空

自遺斯濫豈被一作收志固窮夙所歸餒也

已矣夫在昔余多師

蜡日一首

風雪送餘運無妨時已和梅柳夾門植一

條有佳花一作施我唱爾言得酒中適何多

未能一作知明多少章山有奇歌


四時一首此顧凱之仲情詩類文有全篇然顧詩首尾不類獨此警絕

春水滿四澤夏雲多奇峯秋月揚明暉冬

嶺秀孤一作寒松

劉斯立云當是凱之用此足成全篇篇中唯此警絕居然可知或雖顧作淵明摘出四句可謂善擇

陶淵明集卷第三



陶淵明集卷第四

詩四十八首內一首聯句

擬古九首

榮榮牕下

一作後牕

蘭密密堂前柳初與君別

時不謂行當久出門萬里客中道逢嘉友

未言心相醉

一作解

不在接杯酒蘭枯

一作空

柳亦衰遂令此言負

一作身還

時沒

多謝諸少

年相知不中

一作相又作在

厚意氣傾人命離隔復

何有

辭家夙嚴駕當往志無終問君今何行非

商復非戎聞有田子春一作秦節義爲士雄

斯人久已死鄉里習其風生有高世名既

沒傳無窮不學狂一作驅馳子直在百年中

仲春遘時雨始雷發東隅衆蟄各潛駭草

木從橫一作是此舒翩翩新來燕雙雙入我

廬先巢故尚在相將還舊居自從分別來

門庭日荒蕪我心固匪石君情定何如

迢迢百尺樓分明望四荒暮作歸雲宅朝

爲飛鳥堂山河滿目中平原獨一作轉茫茫

古時功名士慷慨爭此場一旦百歲後相

與還北邙松栢爲人伐高墳互低昂頽基

無遺主遊魂在何方榮華誠足貴亦復可

憐傷

東方有一士被服常不宇三旬九遇一作過

食十年著一冠辛勤一作苦無此比常有

好容顏我欲觀其人晨去越河關青松夾路

生白雲宿簷端知我故來意一作時取琴爲

與一作我彈上絃驚別鶴下絃操孤鸞願留

就君住從今至歲寒

蒼蒼谷中樹冬夏常如茲年年見霜雪誰

謂不知時厭聞世上語結友一作交到臨淄

稷下多談士指彼往一作決吾狐一作疑栢社

疑五裝束既有日已與家人辭行行停出

門還坐更自思不怨道里長但畏人我欺

萬一不合意永爲世笑之伊懷難具道爲

君作此詩笑之一作笑嗤

日暮天無雲春風扇微和佳人美清夜達

曙酣且歌歌竟長歎息持此感人多皎皎

雲間月灼灼葉中華豈無一時好不久當

如何

少時壯且厲撫劍獨行遊誰言行游一作

近張掖至幽州飢食首陽薇渴飲易水流

不見相知人惟見一作純是古時立路邊兩高

墳伯牙與莊周此士難再得吾一作君行欲

何求

種桑長江邊三年望當採枝條始欲茂忽

值山河川一作改柯葉自摧折根株浮滄海

春蠶既無食寒衣欲誰待本不植高原今

日復何悔

雜詩十二首

人生無根蒂飄如陌上塵分散逐風轉此
已非常身落地為一作落成兄弟何必骨肉
親得歡當作樂斗酒聚比鄰盛年不重來
一日難再晨及時當勉勵歲月不待人
白日淪西河一作阿素月出東嶺遙遙萬里輝蕩
蕩一作迢迢空中景風來入房戶夜中一作中夜枕
席冷氣變悟時易一作異不眠知夕永欲言
無予一作一本或餘和揮杯勸孤影日月擲一作掃又作
一作掃人去有志不獲騁念此懷悲悽中一作終
曉不能靜

榮華難久居盛衰不可量昔為三春蕖一作英今
作秋蓮房嚴霜結野草枯悴未遽央日月
有環周一作作還復周我去不再陽眷眷往昔
時憶此斷人腸
丈夫志四海我願不知老親戚共一處子
孫還相保觴絃肆朝日樽中酒不燥緩帶
盡歡娛起晚眠常早孰若當世士冰炭滿
懷抱百年歸一作歸壟丘壟一作壟用此空名道
憶我一作昔少壯時無樂自欣豫猛志逸
四海騫一作輕翻思遠翥荏苒歲月頽此心

稍已去值歡無復娛每每多憂慮氣力漸
衰損轉覺日不如壑舟無須臾引我不得
住前途當幾許未知止泊一作處古人惜
寸陰念此使人懼

昔聞長者

一作老

言掩耳每

一作常

不喜柰何

五十年忽已親此事求我盛年

一作時

歡一

毫無復意去去轉欲遠此生豈

一作難

再值

傾家時

一作持

又作樂竟

此歲月駛有子

不留金何用身後置

一作事

日月不肯遲四時相催迫寒風拂枯條落

葉掩

一作滿

作

長陌弱質興

一作與

運頹

一作頹

玄

鬢早已白素標挿人

一作君

頭前途漸就窄

家爲逆旅舍我如當去客去去欲何之南

山有舊宅

代耕本非望所業在田桑躬親未曾替寒

餒常糟糠豈期過

一作遇

滿腹但願

一作就

飽

粳糧御冬足

一作冬

大布麤絺

以應陽止

一作政

爾不能得哀哉亦可傷人皆盡獲宜

拙生失其方理也可奈何且爲陶一觴

遥遥從羈役一心處兩端掩淚汎東逝順

流追時遷日沒星與昴勢翳西山巔蕭條
隔天涯惆悵念常飡慷慨思南歸路遐無
由緣關梁難虧替絕音寄斯篇

閑居執蕩志時駛不可稽驅役無停

一作休

息軒裳逝

一作遊

東崖沉陰擬薰麝

一作舟擬董

司又作泛舟董司寒

寒氣激我懷

一作悲風

歲月有

常御我來淹已彌慷慨憶綢繆此情久

一作

少已離荏苒經十載暫爲人所羈庭宇翳

餘木倏忽日月虧

我行未去遠回顧慘風涼春燕應節起高

飛拂塵梁邊

一作鳬

鴈悲

一作照

無所代謝歸

北鄉離鷗鳴清池涉暑

一作暮

經秋霜愁人

難爲辭遥遥春

一作喜

夜長

娟娟松標崖

一作雀

婉孌柔童子年始三五

間喬柯何可倚

一作何

養色含津氣粲

然有心理

一作喬柯何何可倚又作華柯真可寄

詠貧士七首

萬族各有託孤雲獨無依曖曖空中滅何

時見餘暉朝霞開宿霧衆鳥相與飛遲遲

出林翮未夕

一作夕

復來歸

一作已

量力守故

轍豈不寒與飢知音苟不存已矣何所悲

一作當告誰

淒厲

一作庚

歲去暮擁

一作短

作

褐曝前軒南園

無遺秀枯條盈北園傾壺絕

一作弛

作

餘瀝闕

竈不見煙詩書塞座外日昊不遑研閑居

非陳厄竊有愠見言何以慰吾懷賴古多

此賢

榮叟老帶

一作縈

作

索欣然方彈琴原生納決

屨

一作履

清歌暢商音重華去我以

一作我

重華

以貧士世相尋弊襟不掩肘藜羹常乏斟

豈忘龍輶輕裘苟得非所欽賜也徒能辯乃

不見吾心

安貧守賤者自古有黔婁好爵吾不榮厚

饋

一作餽

作

吾不酬一旦壽命盡弊服仍

一作蔽

覆

乃不周豈不知其極非道故無憂從來將

千載未復見斯儔朝與仁義生夕死復何

求

袁安困

一作門

作

積雪邈然不可干阮公見錢

入即日棄其官芻藁

一作藁

作

有常溫採芎

一作

采足朝食豈不實辛苦所懼非飢寒貧富

常交戰道勝無戚厚

一作

顏至德冠邦閭清

節映西關

仲蔚愛窮居遶宅生蒿蓬翳然絕交游賦

詩頗能工舉世無知者

音一作

止

正一作

有

劉龔此士胡獨然寔由罕所同介焉安其

業

一作棄本案其末

所樂非窮通人事固以

一作已

拙聊

得長相從

昔在

一作有

黃子廉彈冠佐名州一朝辭吏

歸清貧略難儔年飢感仁妻

一作人事

泣涕向

我流丈夫雖有志固爲兒女

一作孫

一作

憂惠孫

一晤歎腴贈竟莫酬誰云固窮難

一作節

邈

哉此前脩

詠二疎一首

大象轉四時功成者自去借問衰

一作商

周

來幾人得其趣游目漢廷中二疎復此舉

高嘯返舊居長揖儲君傳餞送傾皇朝華

軒盈道路離別情所悲餘榮何足顧事勝

感行人賢哉豈常譽厭厭閭里歡所營非

近

一作正

務促席延故老揮觴道平素問金

爾

一作

終寄心清言曉未悟放意樂餘年遑

恤身後慮誰云其人亡久而道彌著

詠三良一首

彈冠乘通津但懼時我遺服勤盡歲月常
中一作恐功愈微忠一作情謬獲露遂為君所私

出則陪文輿入必侍丹帷箴規嚮已從計

議初無虧一作物無一作非一朝長逝後願言同此

歸厚恩固一作心難忘君一作顧命安可違臨

穴罔惟一作遲疑投義志攸希荆棘籠高墳

黃鳥聲正悲良人不可贖泣然沾我衣

詠荆軻一首

燕丹善養士志在報強羸招集百夫良歲

暮得荆卿君一作子死知已提劍出燕京

素驥鳴廣陌慷慨送我行雄髮指危冠猛

氣衝長纓飲餞易水上四座列群英漸離

擊悲筑宋意唱高聲蕭蕭哀風逝一作淡

淡寒波生商音更流涕羽奏壯士驚公知

去不歸一作知且一作去有後一作百世名登車

何時顧飛蓋入秦庭凌陵一作厲越萬里逶

迤過千城圖窮事自至豪主正怔營惜哉

劍術踈竒功遂不成其人雖已沒千載有

餘情

一作斯人久已
沒千載有深情

讀山海經十三首

孟夏草木長遶屋樹扶疎衆鳥欣有託吾

亦愛吾廬既耕亦

一作且

已種時還讀我書

窮巷隔深轍頗迴故人車歡然酌春酒摘

我園中蔬微雨從東來好風與之俱汎覽

周王傳

一作典

流觀山海圖俯

一作倦

仰終宇

宙不樂復

一作將

何如

玉堂

一作臺

凌霞秀王母怡

一作積

妙顏天地

共俱生不知幾何年靈化無窮已館宇非

一山高酣發新謠寧効俗中言

迢遞槐

一作槐

一作

江嶺是謂玄圃丘西南望崑

墟

一作齋

光氣難與儔亭亭明玕照落落清

瑤流恨不及周穆託乘一來游

丹木生何許迺在密山陽黃花復朱實食

之壽命長白玉凝素液瑾瑜發奇

一作其

光

豈伊君子寶見重我軒黃

一作皇

一作

翩翩三青鳥毛色奇

一作甚

可憐朝爲王母

使暮歸三危山我欲因此鳥具

一作又

一作期

向

王母言在世無所須

一作願

一作

唯酒與長年

一作

唯願此
長年

逍遙蕪阜上杳然望扶木洪柯百萬尋森

散覆暘谷靈人侍一作待丹池朝朝為日浴

神景願一作一登天何幽不見燭

粲粲三珠樹寄生赤水陰亭亭凌風挂八

幹共成林靈鳳撫雲舞神鸞調玉音雖非

世上寶爰得王母心母一作子

自古皆有沒何人得一作氏獨阿靈長不死復

一作亦不老萬歲如平常赤泉給我飲負丘

足我糧方與三辰游壽考一作老豈渠央

夸父誕宏志乃與日競走俱至虞淵

下似若無勝負神力既殊妙傾河焉足有

餘迹寄鄧林功竟在身後

精衛銜微木將以填滄海形天無千歲猛

志故常在同物既無慮化去不復一作復何悔

徒設一作役在昔心良晨詎可待

巨猾危一作肆威暴欽馭違帝旨冥窳強能

變祖江遂獨死明明上天鑒為惡不可覆

長枯固已劇鷄鷄一作鸚鵡豈足恃

鵬鵠一作鵠見城邑其國有放士念彼一作昔

懷王世一作母當時一作亦得數來止青丘有奇鳥

自言獨見爾理一作本為迷者生不以喻君子

巖巖悠一作悠顯朝市帝者慎善一作用才何以

廢共斲重華為之來仲父文一作獻誠言姜公乃

見猜臨沒告飢渴當復何及哉

擬挽歌辭三首

有生必有死早終非命促昨暮同為人今

旦在一作作鬼錄魂氣一作魄散何之枯形寄

空木嬌兒索父啼良友撫我哭得失不復

知是非安能覺千秋萬歲後誰知榮與辱

但恨在世時飲酒不得足一作常

在昔無酒飲今但一作旦湛空觴春醪生浮蟻

何時更一作復能嘗肴案盈我前親舊哭我傍

欲語口無音欲視眼無光昔在高堂寢今宿

荒草鄉一本有荒草無人眠極視一朝出門

去一作易歸來良未央

荒草何茫茫白楊亦蕭蕭嚴霜九月中送我

出來一作作遠郊四固無人居高墳正崔嵬馬為

仰天鳴風為自蕭條鳴一作鳥為結風幽室一

已閉千年不復朝千年不復朝賢達無奈何

向來相送人各自一作還其家親戚或餘悲
他人亦已歌死去何所道託體同山阿

聯句

鳴鴈乘風飛去去當何極念彼窮居士如何
不歎息淵雖欲騰九萬扶搖竟何一作力遠

招王子喬晉一作雲駕庶可飭情顧侶正徘徊

一作離離翔天側一作附羽霜露豈不

切一作霜落務從忘愛翼一作徒愛雙高柯擢

條幹遠眺同天色思絕慶未看徒使生迷惑

陶淵明文集卷第四

陶淵明集卷第五

賦辭三首

感士不遇賦并序

昔董仲舒作士不遇賦司馬子長又為一作

悲之余嘗以三餘之日講習之暇讀其文

慨然惆悵夫履信思順生人之善行抱朴

守靜君子之篤素一作自真風告逝大偽

斯興問問懈廉退之節一作廉退市朝驅

易進之心懷正志道之士或潛玉於當年

絜已清操之人或沒世以徒勤一作懷正志

道之士或潛於當年已故夷皓有安歸
清操之人或沒於往世

之嘆三閭發已矣之哀悲夫寓形百年而
瞬息已盡立行之難而一域莫賞此古人
所以染翰慷慨屢伸而不能已者也夫導
達意氣其惟文乎撫卷躊躇遂感而賦之
咨大塊之受氣何斯人之獨靈稟神智以
藏照一作乘三五而垂名或擊壤以自歡
或大濟於蒼生靡潛躍之非分常傲然以
稱情世流浪而遂徂物群分以相形密網
裁而魚駭宏羅制而鳥驚彼達人之善覺

乃逃祿而歸耕山嶷嶷而懷影一作川汪

汪而藏聲望軒唐而永嘆甘貧賤以辭榮

淳源汨一作消以長分夷惡作一作紛其然

異途原百行之攸貴莫為善之可娛奉上

天一作地之成命師聖人之遺書發忠孝於

君親生信義於鄉閭推誠心而一作獲顯

不矯然而祈譽嗟乎雷同毀異物惡其上

妙筭者謂迷直道者云妄坦一作恒至公而

無猜卒蒙耻以受謗一作壤而握

蘭徒芳潔而誰亮哀哉士之不遇已不在矣

帝帝魁之世獨祗脩以自勤豈三省之或
廢庶進德以及時時斷至而不惠無奚一作
爰生之悟一作言念張季之終蔽愍馮叟
於郎署賴魏守以納計雖僅然於必知一作
智亦苦心而曠歲審夫市之無虎一作獸眩
三夫之獻說悼賈傳之秀朗紆遠轡於促
界悲董相之淵致屢乘危而幸濟感哲人
之無偶一作遇一作淚淋浪以灑袂承前王之清
誨曰天道之無親澄得一以作鑒恒輔善
而佑仁夷投老以長飢回早夭而又貧傷

請車以備擲悲茹薇而殞身雖好學與行
義何死生之苦辛疑報德之若茲懼斯言
之虛陳何曠世之無才罕無路之不逝伊
古人之慷慨病一作癘一作奇名之不立廣結髮
以從政不愧賞於萬邑屈雄志於戚豎竟
尺土之莫及留誠信於身後慟一作動一作衆人
之悲泣商盡規以拯弊言始順而患入奚
良辰之易傾胡害勝其乃急蒼旻遐緬人
事無已有感有味壽測其理寧固窮以濟
意不委曲而一作累已既軒冕之非榮豈

緼袍之爲耻誠謬會以取拙且欣然而作
於歸止擁孤襟以畢歲謝良價於朝市

閑情賦并序

初張衡作定情賦賦字無蔡邕作靜情檢一作

賦賦字無檢逸辭而宗澹泊始則逸一本無檢

澹泊始則一作皆蕩以思慮而終歸閑正將以

抑流宕之邪心諒有助於諷諫綴文之士

弁代世一作繼作並固觸類廣其辭義余園

問多暇復染翰爲之文一作雖文妙好學不

足庶不謬作者之意乎字無

夫何環逸之令姿獨曠世以一作秀羣表

傾城之艷令一作色期有德一作於傳聞佩

鳴玉以比絜齊幽蘭以爭芬淡柔情於俗

內負雅志於高雲悲晨曛之易夕感人生

之長勤同一盡畫一作於百年何歡寡而愁

殷褰朱幃而正坐汎清瑟以自欣送纖指

之餘好攘皓袖一作之繽紛瞬美日以流

眄含言笑而不分曲調將半景落西軒悲

商叩林白雲依山仰睇天路俯促鳴絃神

儀嫵媚舉止詳妍激清音以感余願接膝

手一作以交言欲自往以結誓懼冒禮之為
譽待鳳鳥鳴鳳一作以致辭恐他人之我先意
惶惑而靡寧魂瀕吏而九遷願在衣而為
領承華首之餘芳悲羅素一作襟之宵離怨
秋夜之其一作未央願在裳而為帶束窈窕
之纖身嗟溫涼之異氣或脫故而服新願
在髮而為澤刷玄鬢於一作頰肩悲佳人
之屢沐從白水永一作日以枯煎願在眉而為
黛隨瞻視以開揚悲脂紅一作粉之尚鮮或
取毀於華粧願在莞而為席安弱體於三

秋悲文茵之代御方經年而見求願在絲
而為履附素足以周旋悲行止之有節空
委棄余一作於床前願在晝而為影常依形
而一作西東悲高樹之多蔭慨有時而一作
不同願在夜而為燭照玉容於兩楹悲
扶桑之舒光奄滅景而藏明願在竹而為
扇含淒飈淒一作風於柔握悲白露之一作
晨零顧襟袖以一作緬邈願在木而為桐
作膝上之鳴琴悲樂極以哀來終推我而
輟音考所願而必違徒契契一作契契以

苦心擁勞情而罔訴步容與於南林栖木
蘭之遺露翳青松之餘陰儻行行之有覲
交欣懼於中慄竟寂寞而無見獨悄想一作
搖搖以空尋歛輕裾以復一作路瞻夕陽而
流歎步徙倚以忘趣色慘悽一作慄而矜顏
葉燮燮以一作去條氣淒淒而就寒日負
影以偕沒月媚景於雲端鳥悽聲以孤歸
獸索偶而不還悼當年之晚暮恨茲歲之
欲殫思宵夢以從之神飄飄而不安若憑
舟之失棹譬緣崖而無攀于時畢昴一作夜

盈軒北風淒淒惘惘一作不寐衆念徘徊
起攝帶以伺晨繁霜粲於素階雞歛翅而
未鳴笛流遠以一作清哀始妙密一作密勿
以閑和終寥亮而藏摧意夫人之在茲託
行雲以送懷行雲逝而無語時奄冉而就
過一本留一作徒勤思以自悲
終阻山而帶一作河迎清風以祛累寄弱
志於歸波尤一作蔓草之爲會誦邵南之
餘歌坦萬慮以存誠慰遙情於八遐
歸去來兮辭并序

余家貧耕植不足以自給幼稚盈室一作兼稚

子盈并無儲粟生生所資未見其術親故

多勸余為長吏脫然有懷求之靡途會有

四方之事諸侯以惠愛為德家叔以余貧

苦遂見用為小邑于時風波未靜心憚遠

役彭澤去家百里公田之利一作秣足以為酒一作

過足故便求之及少日眷然有歸歟之情

何則質性自然非矯勵所得飢凍雖切違

已交病嘗一作曾從人事皆口腹自役於是

悵然慷慨深愧平生之志猶望一稔當歛

裳宵逝尋程氏妹喪于武昌情在駿奔自

免去職仲秋至冬在官八十餘日因事順

心命篇曰歸去來兮乙巳歲十一月也

歸去來兮田園將蕪胡不歸既自以心一作

身為形役奚惆悵而獨悲悟已往之不諫

知來者之可追寔迷途其未遠覺今是而

昨非舟遙遙以輕颺風飄飄而吹衣問征

夫以前路恨晨光之熹一作晦乃瞻衡宇

載欣載奔僮僕歡迎稚子候門三逕就荒

松菊猶存携幼入室有酒盈樽引壺觴以

自酌一作適眄庭柯以怡顏倚南牕以寄傲

審容膝之易安園日涉以成趣一作門雖

設而常關策扶老以流憩時矯首而遐觀

雲無心以出岫鳥倦飛而知還景翳翳以

將入撫孤松而盤桓歸去來兮請息交以

絕游世與我而相遺復駕言兮焉求悅親

戚之情話樂琴書以消憂農人告余以春

及一作暮春又作仲春將有事於西疇或命巾

車或棹孤舟既窈窕以尋壑亦崎嶇而經

尋一作丘木欣欣以向榮泉涓涓而始流善

萬物之得時感吾生之行休已矣乎寓形


宇內能一作能復幾時曷不委心任去留胡





為乎遑遑兮一作字欲何之富貴非吾願帝

鄉不可期懷良辰以孤往或植杖而耘耔

登東臯以舒嘯臨清流而賦詩聊乘化以

歸盡樂夫天命復奚疑一作為







陸游集

下

陸游集






陶淵明文集卷第六

記傳贊述十三首

桃花源記并詩

晉太元中武陵人捕魚為業緣溪行忘路
 之遠近忽逢桃花林夾岸數百步中無雜
 樹一作草芳華鮮美落英繽紛漁人甚異之
 復前行欲窮其林林盡水源便得一山山
 有小口髣髴若有光便捨船從口入初極
 狹纔通人復行數十步豁然開朗土地平
 曠屋舍儼一作晏然有良田美池桑竹之



屬阡陌交通雞犬相聞其中往來種作男
女衣著悉如外人黃髮垂髫一作並怡然
自樂見漁人乃大驚問所從來具荅之便
要還家爲設酒殺雞作食村中聞有此人
咸來問訊自云先世避秦時亂率妻子邑
人來此絕境不復出焉遂與外人間隔問
今是何世乃不知有漢無論魏晉一本有等也二
字此人一一爲具言所聞皆歎惋餘人各
復延至其家皆出酒食停數日辭去此中
人語一本無云不足爲外人道也旣出得

其舩便扶一作向路處處誌之及郡下詣
太守說如此太守即遣人隨其往尋向所
誌遂迷不復得路南陽劉子驥高尚士也
聞之欣然規往一本有遊焉二字未果尋病終後
遂無問津者

詩

嬴氏亂天紀賢者避其世黃綺之商山伊
人亦云逝往跡寢復湮來逕遂蕪廢相命
肆農耕日入從所憩桑竹垂餘蔭菽稷隨
時藝春蠶收長一作良絲秋熟靡王稅荒路

暖交通雞犬手鳴吠俎豆猶古法衣裳無
新製童孺縱行歌班白歡遊一作詣草榮
識節和木衰知風厲雖無紀曆誌四時自
成歲怡然有餘樂于何勞智慧竒蹤隱五
百一朝敬神界溥薄既異源旋復還幽蔽
一作開借問游方士焉測塵囂外一作塵願
言躡輕風高舉尋吾契

晉故征西大將軍長史孟府君傳
君諱嘉字萬年江夏鄂人也曾祖父宗以
孝行稱仕吳司空祖父揖元康中為廬陵

太守宗葬武昌新陽縣子孫家焉遂為縣
人也君少失父奉母二弟居娶大司馬長
沙桓公陶侃第十女閨門孝友人無能間
鄉閭稱之一作里沖默有遠量弱冠儔類
咸歆之同郡郭遜以清操知名時在君右
常歎君溫雅平曠自以為不及遜從弟立
亦有才志與君同時齊譽每推服焉由是
名冠州里聲流京邑太尉潁川庾亮以帝
舅民望受分陝之重鎮武昌并領江州辟
君部廬陵從事下郡還亮引見問風俗得

失對曰嘉不知還傳當問從吏亮以一作塵尾掩口而笑諸從事既去喚弟翼語之曰孟嘉故是盛德人也君既辭出外自除吏名便步歸家母在堂兄弟共相歡樂怡怡如也旬有餘日更版為勸學從事時亮崇修學校高選儒官以君望實故應尚德之舉太傅河南褚裒簡穆有器識時為豫章太守出朝宗亮正旦大會州府人士率多時彥君坐次一作甚遠裒問亮江州有孟嘉其人何在亮云在坐卿但自覓裒歷

觀遂指君謂亮曰將無是耶亮欣然而笑喜裒之得君奇君為裒之所得乃益器焉舉秀才又為安西將軍庾翼府功曹并為江州別駕巴丘令征西大將軍譙國相溫參軍君色一作和而正溫甚重之九月九

日溫游龍山參佐畢集四弟二甥咸在坐時佐吏並著戎服有風吹君帽墮落溫目左右及賓客勿言以觀其止君初不自覺良久如廁溫命取以還之廷尉太原孫盛為謏議參軍時在坐溫命一作接紙筆令嘲

之文成示溫溫以著坐處君歸見嘲笑而
請筆作答了不容思文辭超卓四座歎之
奉使京師除尚書刪定郎不拜孝宗穆皇
帝聞其名賜見東堂君辭以脚疾不任拜
起詔使人扶入君嘗爲刺史謝永別駕永
會稽人喪亡君求赴義路由永興高陽許
詢有雋才辭榮不仕每縱心獨往客居縣
界嘗乘船近行適逢君過歎曰都邑美士
吾盡識之獨不識此人唯聞中州有孟嘉
者將非是乎然亦何由來此使問君之從

者君謂其使曰本心相過今先赴義尋
就君及歸遂止信宿雅相知得有若舊交
還至轉從事中郎俄遷長史在朝隤一作隨
然仗正順而已門無雜賓常會神情獨得
便一作而超然命駕逕之龍山顧景酣宴造
夕乃歸溫從容謂君曰人不可無勢我乃
能駕御卿後以疾終於家年五十一始自
總髮至于知命行不苟合言無夸矜未嘗
有喜愠之容好酣飲逾多不亂至於任懷
得意融然遠一作永寄傍若無人溫嘗問君

酒有何好而卿嗜之君笑而荅曰明公但
不得酒中趣尔又問聽妓絲不如竹竹不
如肉荅曰漸近自然中散大夫桂陽羅含
賦之曰孟生善酣不憊其意光祿大夫南
陽劉耽昔與君同在溫府淵明從父太常
夔嘗問耽君若在當已作公不荅云此本
是三司人爲時所重如此淵明先親君之
第四女也凱風寒泉之思寔鍾厥心謹按
採採拾作行事撰爲此傳懼或乖謬有虧大
雅君子之德所以戰戰兢兢若履薄冰一

水云爾

贊曰

孔子稱進德修業以及時也君清蹈衡門
則令問孔昭振纓公朝則德音允集道悠
運促不終遠業惜哉仁者必壽豈斯言之
謬乎

五柳先生傳

先生不知何許人也亦不詳其姓字宅邊
有五柳樹樹無字因以爲號焉閑靖少言不
慕榮利好讀書不求甚解每有會意便欣

然忘食性嗜酒家貧不能常一作恒得親舊

知其如此或置酒而招之造飲輒盡期在

必醉既醉而退曾不吝情去留環堵蕭然

不蔽風日短褐穿結簞瓢屢空晏如也常

著文章自娛頗示已志忘懷得失以此自

終

贊曰

黔婁一有之妻二字有言不戚戚於貧賤不汲汲

一作惶惶於富貴極其言茲若人之儔乎酣觴

賦詩以樂其志一作得此詩樂志無懷氏之民

歟葛天氏之民歟

扇上畫贊

荷篠丈人一長沮桀溺

於陵仲子一張長公

丙曼客 鄭次都

薛孟嘗 周陽珪

三五道邈溥風日盡九流參差乎相推隕

形逐物遷心無常準是以達人有時而隱

四體不勤五穀不分超超丈人日夕在耘

遼遼沮溺耦耕自欣入鳥不駭雜獸斯群

至矣於陵養氣浩然蔑彼結駟甘此灌園
張生一仕曾以事還顧我不能高一作謝
人問客客丙公望崖輒歸匪矯一作驕匪去前路
威夷鄭叟不合垂釣川湄交酌林下清言
究微孟嘗一作生游學天網時踈眷言哲友
振褐偕徂美哉周子稱疾閑居寄心清尚
悠然一作悠悠自娛翳翳衡門洋洋泌流曰琴
曰書顧眄有儔飲河既足自外皆休緬懷
千載託契孤遊

讀史述九章

余讀史記有
所感而述之

夷齊

二子讓國相將海隅天人革命絕景窮居
采薇高歌慨想黃虞貞風凌俗爰感懦夫
箕子

去鄉之感猶有遲遲矧伊代謝觸物皆非
哀哀一作嗟箕子云胡能夷狡僮之歌悽矣
其悲

管鮑

知人未易相知實難淡美初交利乖一作義
歲寒管生稱心鮑叔必安奇情雙亮令名

俱字

程杵

遺生良難士為知己望義如歸允伊二子
程生揮劍懼茲餘恥今德永聞百代見紀
一作祀

七十二弟子

恂恂舞雩莫曰匪賢俱映日月共餐至言
慟由才難感為情牽回也早夭賜獨長年
一作永年 又作卒年

屈賈

進德修業將以及時如彼稷契孰不願之
嗟乎二賢逢世多疑一作多疑候詹寫志感
鵬獻辭

韓非

豐狐隱穴以文自殘君子失時白首抱關
巧行居災一作賢伎辯召一作招患哀矣韓生
竟死說難

魯二儒

易代一作大易隨時迷變則愚介介若人特為
貞夫德不百年汗我詩書逝然不顧被褐

幽居

張長公

遠

一作達

哉長公蕭然何事世路多端皆爲

我異斂轡竭來獨養其志寢跡窮年誰知

斯意

一曰世路皆爲而我獨異

陶淵明集卷第六

陶淵明集卷第七

傳贊五首

天子孝傳贊

虞舜

夏禹

殷高宗

周文王

虞舜父頑母嚚事之於畎畝之間以孝蒸

蒸是以堯聞而授之富有天下貴爲天子

以爲不順於父母若窮而無歸惟聞親可

以得意苟違朝夕若嬰兒之思戀故稱舜

五十而慕書曰憂擊鳴球搏拊琴瑟以詠



祖考來格言思其來而訓一作之愛敬盡

於事親是以德教加於百姓刑于四海夏禹有天下以奉宗廟然躬自菲薄以厚其孝孔子曰禹吾無間然矣菲飲食而致孝乎鬼神惡衣服而致美乎黻冕禹之德於是稱聞聖人之德無以加於孝敬孝敬之道美莫大焉殷高宗諒陰三年不言百官總已而聽於冢宰三年而後言天下咸歡德教大行殷道以興詩曰一人有慶兆民賴之其此之謂乎周文王之為世子也朝

於王季日三雞鳴至於寢門問於內豎內豎曰安文王乃喜不安則色憂行不能正履日中暮亦如之食上必視寒溫之節食下必問所膳而後退文王孝道光大其化自近至遠刑于寡妻以御于家邦故得萬國之歡心以事其先王矣

贊曰

至哉后德聖敬自天陶漁致養菲薄饗先親瘠色憂諒陰寢言一人有慶千載賴旃諸侯孝傳贊

周公旦

魯孝公

河間惠王

周公旦武王之弟成王幼少周公攝政制禮作樂郊祀后稷以配天宗祀文王於明堂以配上帝是以四海之內各以其職來祭詩曰於穆清廟肅雍顯相言諸侯樂其位而敬其事也仲尼曰孝莫大於嚴父嚴父莫大於配天則周公其人也貴而不驕位高彌謙自承文武之休烈孝道通于神明光被四海武王封之於魯備其禮樂以

奉宗廟焉魯孝公之爲公子周宣王問公子能道訓諸侯者立之樊穆仲稱其孝曰肅恭明神而敬事者老賦事行刑必問於遺訓咨於固實不干所問不犯所咨王曰然則能訓理其民矣乃命之於夷宮是爲孝公夫宗廟致敬不忘親也有國不亦重乎漢河間惠王獻王之曾孫也西京藩臣多驕放之失其名德者唯獻王而惠王繼之漢書稱其能脩獻王之行母薨服喪盡禮哀帝下詔書褒揚以爲宗室儀表增封

萬戶禮古之人皆然至於末俗衰薄固以
賢矣貴而率禮又難其見褒賞不亦宜乎
贊曰

貴驕殊途不期而會周公勞謙乃成光大
二侯承魯遵儉去泰河間率禮漢宗是賴
卿大夫孝傳贊

孔子

孟莊子

穎考叔

孔子魯人也入則事父兄出則事公卿喪
事不敢不勉故稱曰孝乎惟孝友于兄弟

是亦爲政也君賜腥必熟而薦之雖蔬食
而齊祭如在鄉人儺朝服立於阼階孝之
至也至德要道莫大於孝是以曾參受而
書之游夏之徒常咨稟焉許止不嘗藥書
以殺父宰我暫言減喪責以不仁言合訓
典上作訓行合世範德義可尊作事可法遺
文不朽揚名千載孟莊子魯人也孔子稱
其孝其他可能也其不改父之政與父之
臣是難能也夫孝子之事親也事亡如事
存故當不義則爭之存所不爭則亡亦不

敢改父之道猶謂之孝況終身乎穎考叔
鄭人也莊公以叔段之故與母誓曰不及
黃泉無相見也既而悔之考叔為封人聞
之有獻於公公賜之食而舍肉公問之對
曰小人有母未嘗君之羹請以遺之公曰
汝有母遺繫我獨無考叔曰何謂也公語
之故且告之悔考叔曰若掘地及泉隧而
相見其誰曰不然公從之遂為母子如初
君子曰穎考叔純孝也愛其母而施及莊
公詩云孝子不匱永錫爾類其是之謂乎

贊曰

仁惟本悌聖亦基孝恂恂尼父固天攸造
一作導二子承親式禮遵誥永錫純懿無改
遺操

士孝傳贊

高柴

樂正子春

孔奮

黃香

高柴衛人也喪親泣血三年未嘗見齒所
謂哭不偯言不文也為武城宰而化行民
有不服其親者改之行喪如禮君子之德

風也以身先之而民不遺其親樂正子春
魯人也下堂傷足既瘳數月不出猶有憂
色曰吾聞之曾子父母全而生之亦當全
一作全而歸之所一作可謂孝矣故君子一舉
足一出言不敢忘父母不敢毀傷孝之始
也夫能敬慎若斯而災患及者未之有也
孔奮扶風人也少以孝行著名州里供養
至謹在官唯母極甘美妻息菜食歷位以
清夫人情莫不欲厚其親然亦有分焉奮
則難繼能致儉以全養者鮮矣黃香江夏

人也九歲失母思慕骨立事父竭力以致
養冬無被褥而盡滋味暑則扇床枕寒則
以身溫席漢和帝嘉之特加異賜歷位恭
勤寵祿榮親可謂夙興夜寐無忝爾所生
者也

贊曰

顯允羣士行殊名鈞咸能夙夜以義榮親
率彼城邑用化厥民忠以悟主其一作真孝
乃一作力純

庶人孝傳贊

江革

廉範

汝郁

殷陶

江革齊人也漢章帝時避賊負母而逃賊
賢之不害而告其生路竭力傭賃以致甘
暖和顏悅色以盡歡心欲親之安自挽車
以行鄉人歸之号曰江巨孝位至五官中
郎將天子嘉焉寵遇甚厚告歸詔書褒美
就家禮其終身以顯異行廉範京兆人也
少孤十五入蜀迎父喪遇石船覆範抱棺
一作骸而沒船人救之僅免於死遂以喪歸

及仕郡拯太守於危難送故盡節章帝時
爲郡守百姓歌詠之夫孝者人之本教之
所由生也是以範之臨危也勇宰民也惠
能以義顯也汝郁陳郡人也五歲母病不
食郁亦不食母憐之強食郁能察色知病
輒復不食族人号曰異童年十五著於鄉
里父母終思慕致毀推財與兄弟隱於草
澤君子以爲難況童齒孝於自然可謂天
性也殷陶汝南人也年十二以孝稱遭父
憂率情合禮有長蛇帶其門舉家奔走陶

以喪柩在焉獨居廬不動親戚扶持曉喻
莫能移之啼號益盛由是顯名屢辭辟命
夫智者不惑勇者不懼陶孝於其親而智
勇並彰乎弱齡斯又一作亦難矣

贊曰

事親盡歡其難在色彼養以祿我養以力

義在

一作存

愛敬榮不假飾嗟爾衆庶鑒茲

前式

陶淵明集卷第七

陶淵明集卷第八

疏祭文四首

與子儼等疏

告儼俟份佚佟天地賦命生必有死自古

賢聖誰獨能免子夏有言曰死生有命富

貴在天四友之人

一曰四友

親受音旨

一作德音

發斯談者將非窮達不可妄求壽夭永無

外請故耶吾年過五十少而窮苦

一茶毒下有

每以家弊東西游走性剛才拙與物多

忤自量為已必貽俗患僂俛辭世使汝等

幼而飢寒余嘗感孺仲賢妻之言敗絮息
擁何慙兒子此既一事矣但恨隣靡二仲
室無萊婦抱茲苦心良獨內愧少學一作好
琴書一作少偶愛閑靜開卷有得便欣然
忘食見樹木交蔭時鳥變聲亦復歡然一作
尔有喜常言五六月中北牕下卧遇涼風
暫至自謂是羲皇上人意淺識罕謂斯言
可保日月遂逝一作往機巧好踈緬求在昔
眇然如何疾患以來漸就衰損親舊不遺
每以藥石見救自恐大分將有限也汝輩

稚小家貧每

無一作

役柴水之勞何時可免

念之在心若何可言然汝等雖曰

一作同生當

思四海皆兄弟之義鮑叔管仲分財無猜
歸生伍舉班荆道舊遂能以敗爲成因喪
立功他人尚爾況同父之人哉潁川韓元
長漢末名士身處卿佐八十而終兄弟同

居至于沒齒濟北范稚春

南史作范稚春

時操行人也七世同財家人無怨色

一作

詩曰高山仰止景行行止雖不能爾至心

尚之

一作善

汝其慎哉吾復何言

祭程氏妹文

維晉義熙三年五月甲辰程氏妹服制再

周淵明以少牢之奠俛而酌一作裸之嗚呼

哀哉寒往暑來日月寢踈梁塵委積庭草

荒蕪寥寥空室哀哀一作哀哉遺孤肴觴虛奠

人逝焉如誰無兄弟人亦同生嗟我與爾

特迫一作百常情慈妣早世時尚孺嬰我年

二六爾纔九齡爰從靡識撫髻一作髻相成

咨爾一作余今妹有德有操靖恭鮮一作斯言

聞善則樂能正能和惟友惟孝行止中閨

可象可傷我聞一作惟善慶自己蹈彼蒼

何偏而不斯報昔在江陵重罹天罰兄弟

索居乖隔楚越伊我與爾一作令妹百哀一作憂

是切黯黯高雲蕭蕭冬月白雲一作白雪掩晨長風

悲節感惟崩號興言泣血尋念平昔觸事

未遠書跡猶存遺孤滿眼如何一往終天

不返寂寂高堂何時復踐蘋蘋孤女曷依

曷恃煢煢遊一作孤魂誰主誰祀奈何程妹

於此永已死如有知相見蒿里嗚呼哀哉

祭從弟敬遠文

歲在辛亥月惟仲秋旬有九日從弟劭遠
卜辰云窆永寧后土感平生之游處悲一
往之不返情惻惻以一作摧心淚愍愍作
愍愍而盈眼乃以園果時醪祖其將行嗚呼
哀哉於鑠吾弟一作子有操有槩孝發幼齡
友自天愛少思寡欲靡執靡介後已先人
臨財思惠心遺得失情不依世其色能溫
其言則厲樂勝朋高好是文藝遙遙帝鄉
爰感竒心絕粒委務考盤山陰淙淙懸溜
曖曖荒林晨採上藥夕閑素琴曰仁者壽

竊獨信之如何斯言徒能見欺年甫過立
奄與世辭長歸蒿里邈無還期惟我與爾
匪但一作且親友父則同生母則從母相
及齟齬並罹偏咎斯情實深斯愛實厚念
疇昔日同房之歡冬無緼褐夏渴瓢簞相
將以道相開以顏一作懼豈不多之忽忘飢
寒余嘗學仕纏綿人事流浪無成懼負素
志歛策歸來爾知我意常願攜手寘彼衆
意一作衆每憶有秋我將其刈與汝偕行
舫一作汎舟同濟三宿水濱樂飲川界靜月

澄高溫風始逝撫杯而言物久人脆奈何
吾弟先我離世事不可尋思亦何極日徂
月流寒暑代息死生異方存亡有域倏晨
永歸指塗載陟呱呱遺稚未能正言哀哀
嫠人禮儀孔閑庭樹如故齋宇廓然孰云
歆遠何時復還余惟人斯昧茲近情著龜
有吉一作告制我祖行望旄翩翩執筆涕盈
神其有知昭余中誠嗚呼哀哉

自祭文

歲惟丁卯律中無射天寒夜長風氣

一作涼


蕭索鴻鴈于征草木黃落陶子將辭逆旅之
館永歸於本宅故人懷其相悲同祖行於今
夕羞以嘉蔬薦以清酌候顏已冥聆音愈漠
嗚呼哀哉茫茫大塊悠悠高旻是生萬物余
得爲人自余爲人逢運之貧簞瓢屢罄締綌
冬陳含歡谷汲行歌負薪翳柴門事我宵
晨春秋代謝有務中園載耘載耔迺育迺繁
欣以素牘和以七弦冬曝其日夏濯其泉勤
靡餘勞心有常閑樂天委分以至一作慰
惟此百年夫人愛之懼彼無成一作渴惜日

時存為世珍歿亦見思嗟我獨邁曾是異茲
寵非己榮涅豈吾縑粹兀窮廬酣飲一作賦
詩識運知命疇能罔眷余今斯化可以無恨
壽涉百齡身慕肥遁從一作老得終奚所復
戀寒暑逾邁亡既異存外姻晨來良友宵奔
葬之中野以安其魂宵官我行蕭蕭墓門奢
恥宋臣儉笑一作非王孫廓兮已滅慨焉已
遐一作多不封不樹日月遂過匪貴前譽孰重
後歌人生實難死如之何嗚呼哀哉
陶淵明集卷第八

陶淵明集卷第九

集聖賢群輔錄上

八日四



明由曉升級

宋均曰政所先後也

必有受稅俗

宋均曰受賦稅及為也

成博受古諸

宋均曰古諸侯職等

也隕丘

一作受延嬉

宋均曰延嬉興

右燧人四佐燧人出天四佐出洛

金提提

一作

主化俗

宋均曰為民

鳥明主建

福

宋均曰福

視默主災惡

宋均曰為民

紀

通為中職

宋均曰為

仲起為海陸

宋均曰主

平地兼統海也陽侯作為江海宋均曰主江海事

右伏羲六佐六佐出世宋均曰宋均曰宋均曰

人故以二世

風后受金法宋均曰宋均曰宋均曰天老受天籙

宋均曰宋均曰宋均曰五聖受道級宋均曰宋均曰知命受

糾俗宋均曰宋均曰窺紀受變復宋均曰宋均曰地

典受州絡宋均曰宋均曰力墨受準斤宋均曰宋均曰

事也力墨或作力牧

右黃帝七輔州選舉翼佐帝德自

燧人四佐至七輔見論語摘輔象

重該脩熙

右少昊四叔實能金木及水使重

為勾芒該為蓐收脩及熙為玄冥

世不失職遂濟窮桑見左傳蔡墨

辭

羲仲 羲叔 和仲 和叔

右羲和四子孔安國云即堯之四

岳分掌四岳諸侯鄭玄云堯既分

陰陽為四時命羲仲和仲羲叔和

叔等為之官又主方岳之事是為

四岳見鄭尚書注

伯夷為陽伯

樂舞侏離歌曰招陽

義仲之後為義伯

樂舞襲哉歌曰南陽

棄為夏伯

樂舞武漫哉歌曰義

叔之後為義伯

樂舞將陽

咎繇為秋伯

樂舞

蔡俶歌曰零落

和仲之後為和伯

樂舞玄鶴

垂為

冬伯

樂舞丹鳳一曰齊樂一曰齊落

縵縵

右八伯自義和死後分置八伯舜既即位元祀巡狩每至其方各貢兩伯之樂大傳冬伯後闕一人鄭立云此上下有脫辭其說未聞十

謹堯

共工

鯀

三苗

右四凶

蒼舒

隤斨

檮戴

大臨

老降

庭堅

仲容

叔達

右高陽氏才子八人齊聖廣淵明允篤誠天下之民謂之八凱

伯奮

仲堪

叔獻

季仲

伯虎

仲熊

叔豹

季狸

右高平氏才子八人忠肅恭懿宣
慈惠和天下之民謂之八元從四
凶至此悉見左傳季文子辭

禹作司空

棄作稷

契作司徒

皋陶作士

益作朕虞

垂作共

伯夷作秩宗

龍作納言

夔作典樂

右九官舜登帝位所選命見尚書

雄陶

方回

續牙

伯陽

東不訾

或云

不識

秦不虛

或云秦

靈甫

右舜七友並為歷山雷澤之游戰

國策顏斶云堯有九佐舜有七友
而尸子只載雄陶等六人不載靈
甫皇甫士安作逸士傳云視其友
則雄陶方回續牙伯陽東不訾秦
不空靈甫之徒是為七子與戰國
策相應

禹

稷

契

皋陶

益

右舜五臣見論語已列九官中

禹

稷

契

皋陶

伯夷

垂

益

夔

右八師見楚辭七諫

伯夷
禹
稷

右三后伯夷降典制民惟刑禹平水土主名山川稷降播種農植嘉穀三后成功惟殷于民漢太尉楊賜曰昔三后成功皐陶不與焉蓋咨之也見尚書甫刑後漢書

微子
箕子
比干

右殷三仁論語曰微子去之箕子爲之奴比干諫而死孔子曰殷有

三仁焉

伯夷
太公

右二老尚書大傳曰太公避紂居東海之濱伯夷居北海之濱皆率其黨曰盍歸乎吾聞西伯昌善養老此二人者蓋天下之大老也往而歸之是天下之父歸之也天下之父歸之其子曷往孔融曰西伯以二老開王業

閔天
太公望
南宮适
散宜生

右文王四友尚書大傳云閔夭南宮适散宜生三子學于太公望望曰嗟乎西伯賢君也四子遂見西伯於姜里孔子曰文王有四臣丘亦得四友此四人則文王四隣也

伯達

伯适

仲突

仲忽

叔夜

叔夏

季隨

季騶

伯邑考

武王發

管叔鮮

周公旦

右周八士見論語賈逵以為文王時鄭玄以為成王時也

蔡叔度

曹叔振鐸

霍叔武

邰叔處

康叔封

聃季載

一本無邰叔處有毛叔國

右太姒十子太史公曰太姒十子

周以宗強見史記

周公旦

邵公奭

太公望

畢公

毛公

閔公

大顛

南宮适

散宜生

文母

太姒也

右周十亂見論語其四人已列四

友

秦公牙

吳班

孫尤

大夫丹贊

公子麋

右五王並能相馬尸子曰才有五王之相迺謂之王其責之也

狐偃

趙衰

顛頡

魏武子

司空季子

右晉文公從云五人叔向曰生十七年有士五人見左傳及晉太尉劉琨詩曰重耳憑五臣

奄息

仲行

鍼虎

右三良子車氏之子秦穆公沒要以從死詩人悼之爲賦黃鳥見左

傳毛詩

子展賦草蟲

子罕

子西賦黍苗

子馬

子產

賦隰桑

子國

公孫段賦桑扈

子豐

伯有賦

鶉之賁賁

子良孫子耳子

子大叔賦野有蔓草

子游

孫子

印段賦蟋蟀

子張子

右鄭七穆

一作

謂之七子鄭穆公

子十有一人罕駟豐印游國良七

人子孫並有才名世任鄭國之政

以免晉楚之難謂之七穆叔向曰

鄭七穆氏其后亡乎及諸侯爲宋

之盟鄭伯享趙武于垂隴七卿皆
從文子曰七卿從君以寵武也請
皆賦詩以卒君既亦以觀七子之
志見左傳又吳質書云趙武過鄭
七子賦詩

仲孫穀文伯

獻子莊子孝伯叔孫得臣莊

叔

穆子昭子成子武子文子

季孫行父文子

武子悼子平子栢子

康子

右魯栢公之曾孫世秉魯政號曰
三栢孔子曰三栢之子孫微矣見

論語左傳

趙無恤襄子

趙襄始為卿四世范吉射昭子士會

始為卿至吉射五世

智瑤襄子

荀首始為卿至瑤六世

荀寅文

子

荀林父始為卿至寅四世

魏多襄子

魏絳始為卿至多四世

韓

不信簡子

韓厥始為卿至不信四世

右六族世為晉卿並有功名此六

人實弱晉國溥于越云卒有田常

六卿之臣劉向亦曰田常復見於

今六卿必起於漢見左傳史記漢

書

儀封人

荷蕢

晨門

楚狂接輿

長沮

桀弱

荷蓀丈人

一本伯夷叔齊
虞仲夷逸朱張

柳下惠
少連

右作者七人論語曰賢者避世其次避地其次避色其次避言孔子曰作者七人見包氏注董威贊詩曰洋洋乎盈耳哉而作者七人

德行

顏淵

閔子騫

冉伯牛

仲弓

言語

宰我

子貢

政事

冉有

季路

文學

子游

子夏

右四科見論語

顏回

子貢

子路

子張

右孔子四友文王有胥附奔奏先後禦侮謂之四隣孟懿子曰夫子亦有四隣乎子曰吾有四友焉自吾得回門人益親是非胥附乎自吾得賜遠方之士日至一作是非奔奏乎自吾得師前有光後有輝是非先後乎自吾得由惡言不至

於門是非樂梅乎見孔叢子

顏回 冉伯牛 子路 宰我 子貢

公西華

右六侍仲尼志意不立子路侍儀服不修公西華侍禮不習子貢侍辭不辯宰我侍亡忽古今顏回侍節小物冉伯牛侍曰吾以夫六子自厲也見尸子

檀子

盼子 黔夫 種首

右齊威王疆場四臣齊威王與魏

惠王會田於郊魏王問威王曰王有寶乎威王曰無有魏王曰若寡人國雖小猶有徑寸之珠照前後車各十二乘者十枚奈何爲萬乘之國而無寶乎威王曰寡人之所以爲寶與王異吾臣有檀子者使守南城則楚人不敢爲寇東取泗上十二諸侯皆來朝吾臣有盼子者使守高唐則魏人不敢東漁於河吾臣有黔夫者使守徐則燕人

祭北門趙人祭西門一作東門徙而從

之者七十餘家吾臣有種首者使

備盜賊則道不拾遺以此為寶將

以照千乘一作里豈直一作特十二乘

哉魏惠王慙不懌而去見史記及

春秋後語

齊孟嘗君田文

魏信陵君无忌

趙平原君趙勝

楚春申君黃歇

右戰國四豪見史記

太子少傅留文成侯張良

相國酈文終侯沛蕭何

楚王淮陰侯韓信

右三傑漢高祖曰此三人人之傑

也見漢書

園公

姓園名秉字宜明陳留襄邑人

綺里

季夏黃公

姓崔名廓字少通齊人隱居

角

里先生

右商山四皓當秦之末俱隱上洛

商山皇甫士安云並河內軹人見

漢書及皇甫謐高士傳

太子太傅疎廣字仲翁

宣帝本始四年魏相為御史大夫薦

廣於霍光時年六十以元

太子少傅疎受

字公子

廣兄子也

右二疎東海人宣帝時並為太子

師傳每朝太傅在前少傅在後朝

廷以為榮授太子論語孝經各以

老疾告退時人謂二疎見漢書

重合令子輿

居宋里

櫟陽令子羽

居東觀里

東海太守子仲

居宜唐里

兗州刺史子明

居西商里

潁陽令子良

居遂興里

右郡決曹掾汝南周燕少卿之五

子號曰五龍各居一里子孫並以

儒素退讓為業天下著姓見周氏

譜及汝南先賢傳

龔勝字君賓

龔舍字君倩

或曰長倩

右並楚人皆治清節世号二龔見

漢書

唐林字子高

唐尊字伯高

右並沛人亦以絜履著名於成哀

之世號為二唐比楚二龔後皆仕

王莽見漢書左思曰二唐絜已乃
黜反汗

平阿侯王譚

成都侯王商

紅陽侯王章

曲陽侯王根

高平侯王逢時

右並以元后弟同日受封京師号
曰五侯並奢豪富侈招賢下士谷
永樓護皆為賓客時人為之語曰
谷子雲之筆札樓君卿之脣舌言
出其門也見漢書張載詩曰富侈

擬五侯

北海逢萌字子康

北海徐房字平原

李曇字子雲

平原王遵字君公

右皆懷德穢行不仕亂世相與為
友時人号之四子見後漢書嵇康
高士傳

求仲

羊仲

右二人不知何許人皆治車為業
挫廉逃名一作蔣元卿之去兖州
還杜陵荆棘塞門舍中有三逕不

出十二人從之游時人謂之二仲
見愁康高士傳

太傅高密元侯南陽鄧禹字仲華

大司馬廣平忠侯南陽吳漢字子顏

左將軍膠東剛侯南陽賈復字君文

建威大將軍好時愍侯扶風耿弇字伯昭

執金吾雍奴威侯上谷寇恂字子翼

征西大將軍陽夏節侯潁川馮異字公孫

征南大將軍舞陽壯侯南陽岑彭字君然

征虜將軍潁陽成侯潁川祭遵字弟孫

太常靈壽侯信都邳彤字偉君

東郡太守東莞成侯鉅鹿耿純字伯山

上谷太守淮陰侯潁川王霸字元伯

左中郎將朗陵愍侯潁川臧宮字君翁

驃騎大將軍櫟陽侯馮翊景丹字孫卿

驃騎大將軍參漣侯南陽杜茂字諸公

建議大將軍萬侯南陽朱祐字仲先

驃騎將軍慎靖侯南陽劉隆字元伯

揚武將軍全椒侯南陽馬成字君遷

大司空阜城侯滎陽王梁字君嚴

衛尉安城忠侯穎川錢期字次元
左馮翊安平侯漁陽蓋延字巨卿
捕虜將軍楊虛侯南陽馬武字子張
驍騎將軍弓城侯鉅鹿劉植字伯先
左將軍阿陵侯南陽任光字伯卿
豫章太守中水侯東萊李忠字仲都
左將軍槐里侯扶風萬脩字君游
琅邪太守祝阿侯南陽陳俊字子昭
積弩將軍昆陽威侯穎川傅俊字子衛
揚化將軍合肥侯穎川堅鐔字子伋

右河北二十八將光武所與定天
下見後漢書張衡東京賦云受鉞
四七共工以除

武威太守梁統字仲寧

金城太守庾鈞

一作鉅

字巨公

張掖太守史苞字叔文

酒泉太守竺曾字巨公

燉煌太守辛彤字太房

右河西五守是時更始已爲赤眉
所害隗囂密有異志統等五人共

推竇融為河西大將軍內撫吏民
外禦寇戎東伐隗囂歸心世祖克
建功業見後漢書及善文

大鴻臚韋孟達
上黨太守公孫伯達
河陽長魏仲達

右並扶風平陵人同時齊名世号
三達孟達名彪丞相賢五世孫明
帝時人見漢書及决錄

光祿大夫周舉
光祿大夫杜喬
光祿大夫周栩
尚書藥巴

青州刺史馮羨
兗州刺史郭遵

太尉長史劉班
侍御史張綱

右八使漢順帝時政在權官官以
賄成周舉等議遣八使循行風俗
同日俱發天下号曰八使見張璠
漢紀

平輿令韋順字叔文
歷位樂平相去官以

之命後為平輿令
順弟武陽令豹字季明

友人舉陵健為縣丞
中官喪柩流離豹弃

之弟豹弟廣都長義字季節
少好學不求榮

為今長皆有惠化以見喪去官比
辟公府不就廣壽為立生祠焉

右清河太守韋文高之三子皆以
學行知名時人号韋氏三君見京

兆舊事

楊震字伯起

以太常為司徒遷太尉

震子秉字叔節

以太常為太尉

秉子賜字伯獻

以太常為司徒再司光祿勳為公

子彪字文先

以太中大夫為公司徒一太尉

右楊氏四公弘農華陰人自孝安
至獻帝七世父子以德業相繼為
三公見續漢書

袁安字邵公

以太僕為司空遷司徒

安子敞字叔平

以光祿勳為司空

敞子湯字仲河

以太僕為司空遷司徒

子逢字周陽

以太僕為司空

逢弟隗字次陽

常為司空

右袁氏四世五公見續漢書

處士豫章徐稚字孺子

京兆韋著字休

明汝南袁閔字夏甫

彭城姜肱字伯

淮穎川李曇字子雲

右太尉汝南陳公時為尚書令與
諸尚書悉名士也共為此五人時

号五處士見續漢書及善文

周子居 黃叔度 艾伯堅 邳伯向

封武興 盛孔叔

右汝南六孝廉太守李傕選此六人以應歲舉受版未行傕死子居等遂駐行喪傕妻於柩側下帷見之厲以宜行子居歎曰不有行者莫宣公不有止者莫卹居於是與伯堅即日辭行封黃四人留隨柩車見杜元凱女戒

大將軍槐里侯扶風平陵竇武字游平

天

忠誠太傅高陽鄉侯汝南平輿陳蕃字

仲舉 天下義府侍中河間樂城劉淑字仲

承 天下德弘

右三君

少傅潁川襄城李膺字元禮 天下模楷

司空山陽高平王暢字叔茂 天下英秀

太僕潁川城陽杜密字周甫 天下良輔

司隸校尉沛國朱寓字季陵 天下永安

尚書會稽上虞朗字少英 天下忠貞

沛相穎陰荀昱字伯條

天下好交伯條

大司農博陵安平劉祐字伯祖

天下劉伯祖誓古

太常蜀郡成都趙典字仲經

天下趙仲經英

右八俊

有道太原介休郭泰字林宗

天下郭林宗和雍

太常陳留圉夏馥字子治

天下夏馥子治慕特

尚書令河南鞏尹勲字伯元

天下尹伯元英藩

河南尹太山平陽羊陟字嗣祖

天下羊嗣祖清苦

議郎東郡發劉儒字叔林

天下劉叔林金

冀州刺史陳國項蔡衍字孟喜

天下蔡孟喜雅志

潁川太守潯海東城巴蕭字恭祖

天下巴蕭恭祖虎

議郎南陽安衆宗慈字孝初

天下宗孝初通儒

右八顧

後漢書無劉儒有范滂

御史中丞汝南召陵陳翔字子鱗

海內珍陳子貴

衛尉山陽高平張儉字元節

海內張元節忠烈

太尉掾汝南細陽范滂字孟博

海內范孟博謬

蒙令山陽高平檀敷字文友

海內文友通士洛

陽令魯國孔昱字田元

海內才珍孔世元

太山太守潯海重合范康字仲真

海內范仲真

太尉掾南陽棘陽晁昱字公孝

海內晁公孝

孝鎮南將軍荊州牧武城侯山陽高平劉

表字景升

劉景升

右八友

後漢書無范

少府東萊曲城王商字伯義

海內賢智

作王

郎中魯國蕃鄉字嘉景

海內修整北

海相陳留已吾秦周字平王

海內貞良侍

御史太山奉高胡毋班字季皮

海內珍奇

太尉掾潁川陰劉翊字子相

海內光光冀

州刺史東平壽張王孝字文祖

海內依怙

陳留相東平壽張張邈字孟卓

海內嚴恪

平荊州刺史山陽湖陸度尚字博平

海內清博

右皆傾財竭已解釋怨結拯救危

急謂之八尉

後漢書無劉

從三君

至此並見三君八俊錄

太丘長潁川陳寔字仲弓

寔子大鴻臚紀字元方

紀弟司空掾諶字季方

右並以高名号曰三君見甄表狀

及邯鄲淳紀碑

陶淵明集卷第九



陶淵明集卷第十



集聖賢羣輔錄下

太尉河南杜喬字叔榮

狀喬治易尚書禮記春秋晚好老子

隱居不仕年四十為郡功曹立朝正色有孔父之風

太常燉煌張奐

字然明

狀奐廉方亮直學該群籍前後十徵十要三為邊將財貨珍寶一無

所取矯王孫裸形宋司馬為侍中河內向石樽幅巾時服無棺而葬焉

侍中河內向

詡字甫興

狀詡博覽不群籍兼好黃老玄虛泊然肆志不慕時倫積三十一年

太傅汝南陳蕃字仲舉

狀蕃瑗傳秀出雅亮絕倫學該墳典

忠壯審諤又曰明允貞亮與大將軍竇太武志匡社稷機事不密為群邪所害

尉沛國施延字君子

狀延清公絜白進士許國臨難不顧名著

漢少府潁川李膺字元禮狀膺承三公之

少履清節非法不言英聲宣於華夏高名冠於播紳司隸師國朱寓

字季陵行狀一名詡右一人訪其中正無識

相帝時遭太僕潁川杜密字周甫狀密清

名播四海歷統大鴻臚潁川韓融字元長

狀融聰識知機發於政巖時人名之曰窮

神知化兄弟同居至於沒齒處卿佐之位

且約二十年奉身司空潁川荀爽字慈明爽狀

守約不隕厥問司空潁川荀爽字慈明爽狀

或遣進奏或親候從儒林歸服究極篇籍

司空清河房植字伯武友狀植少履清苦孝

政成化行既登三事肅恭哀職雖季文聘

相魯晏嬰在齊清同高節不是過也

而慕學綜六藝窮通微行隆華夏名播四海太尉下邳陳球字

伯真狀球清高忠直孝靈中司空山陽

王暢字叔茂身狀暢雅性貞實以禮文徵士

陳留申屠蟠字子龍狀蟠年九歲喪父號

齒每至父母亡日三日不食在塚側致甘

露白雉以孝稱州郡表其門閭徵聘不就

終於家衛尉山陽張儉字元節性儉直

賞罰清亮絕俗大司農北海鄭玄字康成

狀玄含海岱之德靈體大雅之洪則學無

常師講求道與數宣聖範錯綜其數作五

經注義窮徵士樂安冉瑒字孟玉清純之

理盡性也

性蹈高潔之行前後十五碑皆不就除高唐令色斯而舉時陳仲舉李元禮仲弓皆

高風其太尉漢中李固字子堅之狀國當顧名

其道大將軍梁冀惡直醜正害有道太原郭

泰字林宗狀秦學冠羣儒州郡禮命曾不

旋軌辟司徒徵益州刺史南陽朱穆字公

叔狀穆中正嚴恪有才數明見初補豐令

辭至切尚書會稽魏朗字少英之狀朗資純美

國朝忠審正直聘士豫章徐稚字孺子稚狀

妙德高偉清英起世前後三徵未嘗降志

抗名山樓養志浩然有夷齊之高遠伯玉

之卷舒度遼將軍安定皇甫規字威明少規

岐嶷正直之節對策捐刺黃門梁冀不能

右魏文帝初為丞相魏王所旌表二十四賢後明帝乃述撰其狀見

文帝今及甄表狀

太常燉煌張奐字然明為度遼將軍幽并

拜大司農賜錢除家一人為郎辭度遼將

軍安定皇甫規字威明太尉武威段熲

字紀明

右涼州三明並著威名於和靈之世悉名士也見續漢書

韋權字孔衡

弟璣字孔玉

璣弟矩字孔規

右太尉掾韋子才之三子皆修仁義兄弟孝友逢盜賊一人病不能去兄弟相慕兵至俱死時人稱之号韋三義見三輔決錄

荀儉字伯慈

漢侍中悅之父

儉弟緄字仲慈

濟南相漢

光祿大夫或之

緄弟靖字叔慈

或問汝南許劭

孰賢

曰二人皆玉也慈明外郎叔慈內

禮太尉辟不就年

五十五

靖弟壽字慈光

舉孝廉

壽弟汪字孟

慈

昆陽令

汪弟爽字慈明

公車徵為平原

空出自巖數九十三日

爽弟肅字敬慈

守

陽今年

肅弟粵字幼慈

司徒掾

右朗陵令潁川荀季和之八子並

有德業時人号八龍居西豪里勃

海宛康知名士也時為潁陰令美

之曰高陽氏有才子八人遂改所

居為高陽里見張璠漢紀及荀氏

譜

公沙紹字子起

紹弟孚字允慈

北海耆舊

傳稱乎與荀爽共約出不得事責勢而爽
當董卓時脫巾未百日位至司空後相見
以爽違約
割席而坐

恪弟達字義則

孚弟恪字允讓
達弟樊字義起

右北海公沙穆之五子並有令名
京師号曰公沙五龍天下無雙穆
亦名士也見魏明帝甄表狀及後
漢書

膠東令盧汜昭字興先

樂城令剛戴

祁字子陵

潁陰令剛徐晏字孟平

涇令盧夏隱字叔世

州別駕蛇丘劉

彬字文曜

一云世州

右濟北五龍少並有異才皆稱神
童當栢靈之世時人号爲五龍見
濟北英賢傳

孝廉杜陵金敞字元休

州刺史

上計掾長

陵第五巡字文休

興先之子興先名種司

空伯魚之孫名士也

詳巡位
時辟太尉

所至

上計掾杜陵韋端字甫休

至

涼州牧
太尉

右同郡齊名時人号之京兆三休
並以光和元年察舉見三輔决錄

晉宣帝河南司馬懿字仲達

魏司空潁川陳羣字長文

中領軍譙朱鑠字彥才

侍中濟陰吳質字季重

右魏文帝四友見晉紀

魏步兵校尉陳留阮籍字嗣宗

中散大夫譙嵇康字叔夜

晉司徒河內山濤字巨源

建威參軍沛劉伶字伯倫

始平太守陳留阮咸字仲容

籍兄子

散騎常侍河內向秀字子期

司徒琅邪王戎字濬冲

右魏嘉平中並居河內山陽共為

竹林之游世号竹林七賢見晉書

魏書袁宏戴逵為傳孫統又為讚

吳範相風

吳人

劉惔占氣

河內人

趙達筭

河內人

皇象書

廣陵人

嚴子卿碁

名昭武衛尉

宋壽占

夢

十不一失

曹不興畫

為孫權畫屏風筆墨誤點因以為蠅後張御坐

權以方知其非也

孤城鄭姥相

童賦王粲於

必至師傳粲後為太子太傅

右吳八絕見張勃吳錄

陳留董昶字仲道 琅邪王澄字平子

陳留阮瞻字千里 一云阮八百即瞻弟孚字遙集朗率多通

故大將軍王敦云方瞻有減故云八百 潁川庾凱字子嵩

陳留謝鯤字幼輿 太山胡毋輔之字彥

國 沙門于法龍 樂安光逸字孟祖

右晉中朝八達近世聞之於故老

裴徽字文秀 魏冀州刺史 裴楷字叔則 徽第三子晉光

祿大夫 裴綽字季舒 楷弟長水校尉 裴瓚字國寶 楷子

中書郎 裴邈字景初 楷孫欽子太 裴遐字叔

道 瓚子太簿 裴康字仲豫 徽第二子左率 裴頠字

逸民 楷孫季子晉尚書僕射

王祥字休徵 晉太保 王戎字濬仲 父渾涼州刺史祥族

子司徒 王澄字平子 衍弟裴綽女壻荆州刺史 王導字茂

弘 覽孫裁子敦從弟丞相 王綏字萬子 戎子早亡壻 王

衍字夷甫 父又平北將軍戎從弟太尉 王敦字處冲 覽孫

基第二子大將軍 王玄字眉子 衍子陳留內史

右河東八裴琅邪八王聞之於故

老

魏司空王昶字文舒 昶子汝南太守湛

字處仲 湛子東海內史承字安期 承
子驃騎將軍述字懷祖 述子安北將軍
坦之字文度 魏尚書僕射杜畿字伯侯
畿子幽州刺史恕字務伯 恕子鎮南將
軍預字元凱 預子散騎常侍錫字世嘏
錫子光祿大夫乂字弘治

右太原王京兆杜各稱五世盛德
聞之於故老凡書籍所載及故老
所傳善惡聞於世者蓋盡於此矣
漢稱田叔孟舒等十人及田橫兩

客魯八儒史並失其名失操行之
難而姓名翳然所以撫卷長慨不
能已已者也

八儒

二子沒後散於天下設於中國成百氏之
源爲綱紀之儒居環堵之室葺門圭竇甕
牖繩樞併日而食以道自居者有道之儒
子思氏之所行也衣冠中動作順大讓如
慢小讓如僞者子張氏之所行也顏氏傳
詩爲道爲諷諫之儒孟氏傳書爲道爲踈

通致達之儒漆彫氏傳禮爲道爲恭儉莊
敬之儒仲梁氏傳樂爲道以和陰陽爲移
風易俗之儒樂正氏傳春秋爲道爲屬辭
比事之儒公孫氏傳易爲道爲潔淨精微
之儒

三墨

不累於俗不飾於物不尊於人不忤於衆
此宋鉤尹文之墨裘褐爲衣跣躋爲服日
夜不休以自苦爲極者相里勤五侯子之
墨俱誦經而背誦不同相謂別墨以堅白

此苦獲已齒鄧陵子之墨

靜節徵士誄

并序

宋金紫光祿大夫贈特進顏延

年撰

夫旋玉致美不爲池陸之寶桂椒信芳而
非園林之實豈其樂深而好遠哉蓋云殊
性而已故無足而至者物之藉也隨踵而
立者人之薄也若乃崇山之抗行夷皓之
峻節故一作已父老堯禹錙銖周漢而綿世
寢遠光靈不屬至使青華隱沒芳流歇絕

不亦惜乎雖今之作書人自為量而首路

同塵輟塗殊軌者多矣豈所以照一作末

景汎餘波中有晉徵士潯陽陶淵明南嶽

之幽居者也弱不好弄長實素心學非稱

師文取旨達一作在衆不失其寡處言愈一作每

見其嘿少而貧苦一作病居無僕妾井曰弗

任藜藿不給母老子幼就養勤匱遠惟田

生致一作取親之議追一作近悟毛子捧檄之

懷初辭州府三命後為彭澤令道不偶物

棄官從好遂乃解體世紛結志區外定迹

深棲於是乎遂一作遠灌畦鬻蔬為供魚菽

之祭織絢緯蕭以充糧粒之費心好異書

性樂酒德簡棄煩促就成省曠殆所謂國

爵屏貴家人忘貧者歟有詔徵著作郎稱

疾不赴春秋六十有三元嘉四年某月日

卒於潯陽縣柴桑一作某里近識悲悼遠士

傷情冥默福應嗚呼淑身夫實以誅華名

由謚高苟允德義貴賤何筭焉若其寬樂

令終之美好廉克己之操有合謚典無愆

前志故詢諸友好宜謚曰靖節徵士其詞

曰

物尚孤

一作特

生人固介立豈伊時遘曷云

世及嗟乎若士望古遙集韜此洪族蔑彼

名級睦親之行至自非敦然諾之信重於

布言廉深簡絜自夷粹溫而而能矜博而

不繁依世尚同詭時則異有一於此而兩

一作非

默置豈若夫子因心達理事

一作事

畏榮

好古薄身厚志世爵虛禮州壤推風孝惟

義養道必懷邦人之秉彛不隘不恭爵同

下士祿等上農度量難鈞進退可限長卿

棄官稚賓自免子之悟之何早之辨賦辭

歸來高蹈獨善亦既超曠無適非心汲流

舊巘葺宇家林晨煙暮靄春煦秋陰陳書

綴卷置酒絃琴居備勤儉躬兼貧病人否

其憂子然其命隱約就閑遷延辭聘非直

明也

一作也明

是惟道性糾纏

一作纏

幹流冥漠

報施孰云與仁實疑明智謂天蓋高胡愆

斯義履信曷憑思順何寘年在中身疚惟

疴疾視化如歸臨山若吉藥劑弗嘗禱祠

非恤僚幽告終懷和長早嗚呼哀哉劭述

清

一作靖

節式遵遺占存不願

一作顧

一作豐

沒無

求贍

一作賜

省計却賻輕哀薄歟遭壤以穿

旋葬而窆嗚呼哀哉深心追往遠情逐化

自爾介居及我多暇伊好之洽接簷

一作閭

隣舍

宵盤晝憩非舟非駕念昔宴私舉觴相誨

獨正者危至方則礙哲人卷舒布在前載

取鑑不遠吾規子佩爾寔愀然中言而發

違衆速尤迂風先蹶身才非實榮聲有歇

徽

一作徽

一作音

永矣誰箴余闕嗚呼哀哉仁焉

而終智焉而斃黔婁既沒展禽亦逝其在

先生同塵往世旌此靜節加彼康惠嗚呼
哀哉

傳

昭明太子撰

陶淵明字元亮或云潛字淵明潯陽柴桑

人也曾祖侃晉大司馬淵明少有高趣博

學善屬文穎脫不羣任真自得嘗著五柳

先生傳以自況曰先生不知何許人也不

詳

一作亦

姓字宅邊有五柳樹

一作樹

無字

因以

爲號焉閑靜少言不慕榮利好讀書不求

甚解每有會意欣然忘食性嗜酒而家貧

不能恒得親舊知其如此或置酒招之造
飲輒盡期在必醉既醉而退曾不悵情去
留環堵蕭然不蔽風日短褐穿結簞瓢屢
空晏如也嘗著文章自娛頗示已志忘懷
得失以此自終時人謂之實錄親老家貧
起爲州祭酒不堪吏職少日自解歸州召
主簿不就躬耕一作稼自資遂抱羸疾江州
刺史檀道濟往候之偃卧瘠餒有日矣道
濟謂曰賢者處世天下無道則隱有道則
至今子生文明之世奈何自苦如此對曰

潛也何敢望賢志不及也道濟饋以梁肉
麾而去之復一作後爲鎮軍建威參軍謂親
朋曰聊欲絃歌以爲三徑之資可乎執事
者聞之以爲彭澤令不以家累自隨送一
力給其子書曰汝旦夕之費自給爲難今
遣此力助汝薪水之勞此亦人子也可善
遇之公田悉令吏種秫曰吾常得醉於酒
足矣妻子固請種粳乃使二頃五十畝種
秫五十畝種粳歲終會郡遣督郵至縣吏
請曰應束帶見之淵明歎曰我豈能爲五

斗米折糴向鄉里小兒即日解印綬去職
賦歸去來徵著作郎不就江州刺史王弘
欲識之不能致也淵明嘗往廬山弘命淵
明故人龐通之贐酒具於半道栗里之間
邀之淵明有脚疾使一門生二兒舉一作昇
藍輿既至欣然便共飲酌俄頃弘至亦無
迕也先是顏延之爲劉抑後軍功曹在潯
陽與淵明情款後爲始安郡經過潯陽日
造淵明飲焉每往必酣飲致醉弘欲邀延
之坐一作赴坐彌日不得延之臨去留二萬錢

與淵明淵明悉遣送酒家稍就取酒嘗九
月九日出宅邊菊叢中坐久之滿手把菊
忽值弘送酒至即便就酌醉而歸淵明不
解音律而蓄無絃琴絃一作素無一作琴一張每酒適

輒撫弄以寄其意貴賤造之者有酒輒設
淵明若先醉便語客我醉欲眠卿可去其
真率如此郡將常候之值其釀熟取頭上
葛巾漉酒漉畢還復著之時周續之入廬
山事釋惠遠彭城劉遺民亦遁迹匡山淵
明又不應徵命謂之潯陽三隱後刺史檀

韶苦請續之出州與學士祖企謝景夷三人共在城北講禮加以讎校所住公廨近於馬隊是故淵明示其詩云周生述孔業祖謝響然臻馬隊非講肆校書亦已勤其妻翟氏亦能安勤苦與其同志自以曾祖晉卅宰輔耻復屈身後代自宋高祖王業漸隆不復肯仕元嘉四年將復徵命會卒時年六十三卅號靖節先生

北齊楊僕射休之序錄

余覽陶潛之文辭采雖未優而往往有奇絕異語放逸之致棲托仍高其集先有兩本行於世一本八卷無序一本六卷并序目編比顛亂兼復闕少蕭統所撰八卷合序目傳誅而少五孝傳及四八目然編錄有體次第可尋余頗賞潛文以爲三本不同恐終致忘失今錄統所闕一作撰并序目等合爲一秩十卷以遺好事君子焉

本朝宋丞相私記

右集按隋經籍志宋徵士陶潛集九卷又
云梁有五卷錄一卷唐志陶泉明集五卷
今官私所行本凡數種與二志不同有八
卷者即梁昭明太子所撰合序傳誄等在
集前為一卷正集次之云其錄有十卷者
即楊僕射所撰按休之子烈事北齊為
尚書左僕射以好學文藻
知名與魏按吳氏西齊錄有宋彭澤令陶
潛集十卷疑即此也其序并昭明舊序誄
傳等合為一卷或題曰第一或題曰第十
或不署於集端別分四八目自甄表狀杜

喬以下為第十卷然亦無錄余前後所得
本僅數十家卒不知何者為是晚獲此本
云出於江左舊書其次第最若倫貫又五
孝傳已下至四八目子注詳密廣於他集
惟篇後八儒三墨二條此似後人妄加非
陶公本意且四八目之末陶自為說曰書
籍所載及故老所傳善惡聞於世者蓋盡
於此即知其後無餘事矣按四八目例每
一事已陶即具
疏所聞或經傳所出以結前意此
二條既無後說益知贅附之妄故今不
著輒別存之以俟博聞者廣平宋庠私記

曾紘說

余嘗評陶公詩語造平澹而寓意深遠外若枯槁而中實敷腴真詩人之冠冕也平生酷愛此作每以世無善本爲恨頃因閱讀山海經詩其間一篇云形夭無千歲猛志固常在且疑上下文義不甚相貫遂取山海經參校經中有云刑天獸名也口中好銜干戚而舞乃知此句是刑天舞干戚故與下句猛志固常在意旨相應五字皆訛蓋字畫相近無足怪者間以語友人岑

穰彥休晁詠之之道二公撫掌驚歎亟取所藏本是正之因思宋宣獻言校書如拂几上塵旋拂旋生豈欺我哉親友范元義寄示義陽太守公所開陶集想見好古博雅之意輒書以遺之宣和六年七月中元臨漢曾紘書刊





